

## **NIWAKATE HEBREUTEDI**

Agica ane yowoogodi ane lidie nagadi niwakate hebreutedi, idoka oyowoogodi me judeu nigica ane idi. Oditibige me Paulo, ogoa domige Apolo ane idi. Moidi odidikotibige judeutedi anonakato Goniotagodi me dogoika monakato Goniotagodi Jesus, oditaga opitacelogo lakataga laamipi. Yelogoditiogi hebreutedi Jesus me nigijaaqijoa Nigicoa ane niige Aneotedogoji me Gonewikatitogodi, codaa yelogodi nigina oko me dagadiaa yakadi me igenagatibigiwaji lodoe Aneotedogoji daga leegodi moyotete liigenatakanegeco Aneotedogoji ane iditedini Moises, codaa nigina modioteci lakataga judeutedi ane dagadiaagica ane jaogate. Moidi oyalaqata nigijo jotigide lakatigi judeutedi sacerdotitedi maleegonigodi eijedi anoibootalo Aneotedogoji mowotibige Aneotedogoji me dagalee iloikatidi oko leegodi libeyacegoco. Eledi yalaqata Jesus me gonisacerdoti gonegegi, codaa me nadoogodi lawodi meotedibige Aneotedogoji me dibatacedogogi. Lawodi Jesus godiwilegitema inoatawece ane gobeyacegoco. Ikee nigida gela anejinaga me idinilakidenagatege Aneotedogoji me dagaxa mele, aliciagi nigijo oxiiqodi domaga gonimawenegegi me idinilakidenagatege Aneotedogoji. Yalaqatiogi nigijo laamipi judeutedi Aneotedogoji ane yakadi me igenagatibigiwaji leegodi monakato, idaaqida me nawikodeega.

Nigidiaagidi eo loniciwaga nigina anonakato Goniotagodi moyowo anodaageeteda Jesus me

dinatiteta ijoatawece lawikodico, odaa leeditibige midagaḡae modinatitalo lawikodico leegodi modiatece Cristo. Codaa maḡaḡa onalaḡatibige niḡica noḡeedi anicota me yajigotediogi Aneotedoḡoji, niḡica ane daga daa. Noḡowidijedi lotaḡa jeḡeote ladeenagaḡeḡeco.

*Aneotedoḡoji ibake Lionigi me dinikeetedoḡowa*

<sup>1</sup> Niḡijo jotigide Aneotedoḡoji eliodi me notagaḡeḡetedi ḡodoiigi, codaa owidi anigotediogi me notagaḡeḡetediniwace jotigide ḡodaamipi. Imonyatediogi niḡijo anoyeloḡoditedibece Aneotedoḡoji lowooko moditece ane yemaa.

<sup>2</sup> Pida natigide, niḡinoa owidijedi nokododi, Aneotedoḡoji ibake Lionigi me yeloḡodi niḡica ane yemaa. Aneotedoḡoji ibake Lionigi meote inoatawece aninoa ditibigimedi, codaa aninoa digoina iiḡo, odaa ja iolatedice Lionigi me yajigoteta inoatawece mepoka nepiliditeda.

<sup>3</sup> Lionigi datale digo mijoataḡa Aneotedoḡoji me datale, codaa liciagi Aneotedoḡoji. Ibake lotaḡa loniciweḡenaḡa me doweditedeloco codaa me ika midioka limedi minoa inoatawece niḡinoa ane jinataḡa. Niḡidiaaḡidi neḡeote nimaweneḡegi me napitaḡadi inoatawece ḡobeyaceḡeco, odaa ja nicotedini digoida ditibigimedi nimeri ḡoneḡegi liwai libaḡadi Aneotedoḡoji ane iiḡe inoatawece.

<sup>4</sup> Odaa jeḡeote me daḡaxa me ḡoneḡegi naḡaxatedeloco aanjotedi, digo anee Liboonaḡadi ane yajigote Aneotedoḡoji me daḡaxa me

gonegegi, aḡica liciagi. Aneotedoḡoji yajigote Liboonagadi me “Lionigi”.

*Lotaganagaxi Aneotedoḡoji ikee Lionigi  
Aneotedoḡoji me daḡaxa me gonegegi caticedi  
aanjotedi*

<sup>5</sup> Lionigi daḡaxa me gonegegi, igaataga Aneotedoḡoji aḡica otigidatece daḡa eeteta okanicodaagacata aanjo niḡijoa lotaga aneeteta Lionigi, niḡijo meeteta,

“Akamokakaamita makaami Ionigi,  
amina noko ja jaote me Ee Gadiodi.”

Eledi meeteta,

“Jeḡee Gadiodi,

codaa akaami Ionigi.”

<sup>6</sup> Niḡina Aneotedoḡoji me nadeegite Lionigi ane daḡaxa me gonegegi niḡina iḡo,eledi mee,

“Akaamitawecetiwaji anakaami niaanjotedi

Aneotedoḡoji  
oḡeetetalo Ionigi!”

<sup>7</sup> Niḡijo Aneotedoḡoji me yalaḡate aanjotedi, mee,

“Jaote iniaanjotedi micataḡa daḡa niwocotadi,

codaa niḡidiwa iniaanjotedi ane iotaka dinoe  
micataḡa daḡa ḡalewaga.”

<sup>8</sup> Pida niḡina Aneotedoḡoji naḡaga yalaḡate Li-  
onigi, mee,

“Inoenogodi,

idioka limedi makaami ane diigenataka.

Niḡina me iḡeni niḡina oko,

awii ḡanimawenegegi ane iḡenaga me  
iḡenatakani.

<sup>9</sup> Emaani niḡina ane iḡenaga,

codaa ḡadeleḡedi niḡina ane beyagi.

Joanigidaa leegodi Ee,  
 Ganoenogodi Aneotedogoji,  
 me gadiolaatice,  
 codaa me gadiwenigideni catedi nigjoo  
 gadokaagetedipi,  
 codaa jigidaa me jao meliodi me aniniitibeci.”

<sup>10</sup> Aneotedogoji eledi yalagate Lionigi, nigjoo  
 negee,

“Goniotagodi,  
 nigjoo jotigide anigicatibige daga jinataga  
 inoatawece aninoa,  
 jagakamaagakaami ane oeni iigo,  
 codaa abakeni gabaagatedi me oeni ditibigimedi.

<sup>11</sup> Odaa ditibigimedi inaa iigo icota me ma,  
 pida akaami bigidioka limedi makaami.  
 Ditibigimedi inaa iigo icota me laxokodi  
 micataga nowoodagagi moxiigodi.

<sup>12</sup> Ateciqitiwage macataga wetagajo,  
 codaa me iikoegeeni  
 micataga nigina me jiikoenaga nowoodagagi  
 oxiiigodi.

Pida akaami bigidioka limedi makaami,  
 adiniigi aneni,  
 codaa agakaami oxiiigodi.”

<sup>13</sup> Aneotedogoji agica degeeteta anigetigijo aanjo  
 ane ligegiteta Lionigi, nigjoo mee,

“Anicooti digoina iwai ibaaagadi  
 nigepaagicota me jiiigeke ganelogododipi.”

<sup>14</sup> Inoatawece aanjotedi niwicidi anodibatema  
 Aneotedogoji, ane iige moyaxawa nigina oko  
 aneote me newigatace.

## 2

### *Leeditibige me jatacologojogotece lotaga Aneotedogoji*

<sup>1</sup> Aneotedogoji ibake Lionigi me godotaganeege, odaa leeditibige me jatacologojogotece lotaga anewi ane jajipaaɗatalo, amanagawini aɗejamaɗajogotice.

<sup>2</sup> Niɗijo nibodigi aanjotedi anodita Moisés ewi, codaa niɗijo aneote Aneotedogoji igenaga niɗina me iloikatidi niɗijo oko leegotedi ijoatawece ane beyagi anowote, niɗijo midatibece me dogoyiwaɗaditeda liigenatakaneegeco Aneotedogoji.

<sup>3</sup> Enice nige deɗejiwagataɗateda lotaga ɗoneɗaga anonikeetogowa anodaagee Aneotedogoji meote ɗodewiɗa, odaa aɗodiwoko niɗina nige limedi me iloikatidi oko leegodi libeyacegeco. Goniotaɗodi Jesus jiɗijaa odoejegi ane nikeetedogowa anodaagee Aneotedogoji meote ɗodewiɗa. Odaa niɗidiaaɗidi niɗijo anowajipatalo jogaɗatematitedogowa lotaga.

<sup>4</sup> Aneotedogoji ikee niɗinoa lotaga Lionigi mewi niɗina meote ɗobinico anoikee anicota me loe-natagi Aneotedogoji, inoa ɗodoxicegetedi, codaa me icilatidi owidi eelotaɗinadi, codaa niɗina me yajigotediogi oko lixaketedi anepaa yemaa me yajigotediogi, ane najigotedogowa Liwigo Aneotedogoji.

### *Jesus jiɗijaaɗeote ɗodewiɗa*

<sup>5</sup> Eɗinaɗatece niɗicoa nokododi nige dopitedijo Aneotedogoji Lionigi me diigenataka digoina iigo.

Aneotedoꝓoji ayajigotediogi aanjotedi loniciwaga moiiḡe niḡica gela iḡo aneote anigida noko.

<sup>6</sup> Maditaga lotaganagaḡaxi Aneotedoꝓoji, iwoteloco Davi ane ligegitalo Aneotedoꝓoji, niḡijo mee, “Inoenogodi,

igaamee ina mowoo ina oko,  
ane liotedawaana,  
ane digicata jaogate?

Igaamee ina madowetiteloco ina oko ane digica loniciwaga?

<sup>7</sup> Niḡijoa nokododawaanaḡa adianite Goneleegiwa ane icoḡotibigimece ditibigimedi, natinedi aanjotedi.

Pida natigide,  
jaḡaweniḡideni  
codaa jaḡajicitalo eliodi loniciwaga.

<sup>8</sup> Codaa jaḡajicitalo loniciwaga codaa me naḡatetigi me iḡe inoatawece aninoa.” Niḡijo Aneotedoꝓoji naḡa yajigote loniciwaga me iḡete inoatawece, odao aḡica idi ane daga yajigote niḡijoa Goneleegiwa ane icoḡotibigimece ditibigimedi me iḡe. Pida natigide jinataḡa aḡinatawece oko oyiwaḡadi.

<sup>9</sup> Pida ijoa me jinataḡa Jesus. Onateciḡijoa nokododi Aneotedoꝓoji ideyate Jesus natinedi aanjotedi, eotedibige me yeleotetema inatawece oko meote lewiḡa, leegodi Aneotedoꝓoji me iwikode niḡina oko. Joaniḡidaa leegodi Aneotedoꝓoji naḡa iweniḡide codaa me yajigote eliodi loniciwaga.

<sup>10</sup> Aneotedoꝓoji eote inoatawece aninoa codaa doweditedeloco inoatawece, codaa inoatawece nepilidi. Aneotedoꝓoji nadeegite

miniwataḡa eliodi oko meote me lionigipi, codaa me iweniḡide. Enice joaniḡidaa mewi, niḡijo meote lewiḡa oko, ika Jesus, me dawikode, odaa joaniḡidaa naga igodi libakedi. Jesus jiḡijaageote ḡodewiḡa, joaniḡidaa ane libakedi.

<sup>11</sup> Jesus iwilegitetema oko libeyaceḡeco. Odaa inatawece ane yapiditibigiwaji, codaa jiḡiniaḡiniwa ane ḡodapitaḡadi, odaa Eliodi, iniaḡiniwa Godiodi. Joaniḡidaa leḡodi Jesus aniboliḡatedoḡodici meetedoḡowa moko nioxoadipi.

<sup>12</sup> Maditaḡa notaḡanaḡaxi enaco, meete,  
 “Inoenoḡodi,  
 ejitaḡadici miditaḡa inioxoadipi.  
 Joḡetetaḡawa liwigotigi ḡadoiigi  
 niḡina me yatecoḡo.”

<sup>13</sup> Codaa eledi mee,  
 “Emeḡeeta jaḡatalo Aneotedoḡoji.”  
 Eledi mee,  
 “Ite Ee minataḡa niḡina oko  
 ane najigotediwa Aneotedoḡoji,  
 ane micataḡa daḡa lionigipi.”

<sup>14</sup> Niḡina oko aneete Jesus me lionigipi Aneotedoḡoji, Aneotedoḡoji eote lawodi codaa me libole. Joaniḡidaa leḡodi niḡijo Jesus naga enitedini malee nigaanigawaanigi, Aneotedoḡoji yajigote lolaadi, lawodi codaa me liboledi. Eote lolaadi me liciagi ḡodolaadi. Odaa jiḡidaagee menitedini liciagi okanicodaḡica oko, eotedibige me yakadi me yeleo, odaa ja inoke loniciwaga diaabo ane domiḡijo mida loniciwaga teloco némaḡa.

<sup>15</sup> Eleditace eotedibige me ikatedicoace niḡina oko ane micataḡa daḡa niwilogojedipi leeḡodi modoitigi némaḡa inoatawece nokododi.

<sup>16</sup> Ewi Jesus me daḡa enaḡiteda me yaxawateda aanjotedi. Pida enaḡi me yaxawa niḡina oko anida aneeteḡe licoḡeḡi Abraão.

<sup>17</sup> Joaniḡidaa me leeditibige Jesus me diniciaceeketedoḡogi, me diḡicata ane diniwokotedoḡodici. Eote me ḡodiciaceekawa, eotedibige me ḡonisacerdoti ḡoneḡeḡi ane ḡodiwikode codaa midioka limedi meote libakedi anele. Eleditace eotedibige me yakadi me yeletetema ḡobeyaceḡeco, eotedibige Aneotedoḡoji me daḡadiaaḡoko laaḡetedipi.

<sup>18</sup> Dawikode niḡijo me dineetalo ḡodaxakawa, joaniḡidaa leeḡodi miniaaḡiniwa yakadi me yaxawa niḡina ane dineeta ḡodaxakawa.

### 3

#### *Jesus iniaa Moisés*

<sup>1</sup> Inioxoadipi, Aneotedoḡoji ḡadiolaatedicoace makaami nepilidi, codaa eniditedaḡawa mid-ioka limedi me ideoni miniwataḡa, oada ina boḡowoo Jesus, Niḡijoa liḡexeḡi Aneotedoḡoji, jiḡiniaa ḡonisacerdoti ane daḡaxa me ḡoneḡeḡi, okotawece ane jinakatonaga.

<sup>2</sup> Aneotedoḡoji iolatedice meote niḡida libakedi me ḡonisacerdoti ḡoneḡeḡi, oada idioka limedi meote inoatawece Aneotedoḡoji ane iḡete meote, digo mijotaḡa Moisés midioka limedi meo ijoatawece niḡijoa Aneotedoḡoji ane iḡete meote me libaketedi liwigotigi Aneotedoḡoji loiigi.

<sup>3</sup> Nigina oko ane dabitegetini diimigi dagaxa moiwenigide caticedi nigini diimigi loenatagi. Jigidaagee Jesus leeditibige moiwenigide caticedi Moisés, leegodi liciagi nigijo ane dabitegetini diimigi.

<sup>4</sup> Natigide okanicodaağica diimigi ini noenatagodi, pida Nigijoa ane yoe inoatawece bağa Aneotedoğoji.

<sup>5</sup> Moisés idioka limedi mele me diba liwigotigi loiigi Aneotedoğoji, micataga daga niotagi ane dibatigi diimigi. Ikee nigica Aneotedoğoji ane yatemati nigidiağidi.

<sup>6</sup> Pida Cristo bağa dagaxa me gonegegi caticedi okanicodaağica niotagi. Igaataga eote ijoatawece nigijoa Aneotedoğoji ane iigete meote, micataga nigina nionigi ane dowediteloco diimigi. Oko bağa godiciagi nigini diimigi, nigidioka limedi mabo godaalegena, codaa nigidioka limedi me jinakatonaga mida gonağajegi ane inibeonagatege.

*Gonajoinegegi me daga jakakağataga godaalegena*

<sup>7</sup> Odaa digawini ane ligegi Liwigo Aneotedoğoji, mee,

“Nige ajipaatiwaji ligegi Aneotedoğoji nigina noko,

<sup>8</sup> jinaga akakağati gadaalegenali, digo mijotağa anee jotigide gadaamipi miditağa nipodigi ane yadilo ane diğicata nigeladimigipi,

noğodakapetege Aneotedoğoji, codaa modineetalo.”

<sup>9</sup> “Odaa mee Aneotedoğoji,

‘Digoida miditağa nigijo nipodigi ane yadilo, jotigide gadaamipi odineetiwa,

idaagee monadi libinico ane jaote niḡijoatigilo  
cwareenta nicaagepe.

<sup>10</sup> Joaniḡidaa leegodi me idelatema niḡijo noiigi,  
odaa meji,

“Idi anidioka limedi meyamagaticoace inaigi  
codaa ageyemaa moyiwagadi iigenatakanegeco.”

<sup>11</sup> Odaa naḡa idelatema

odaa ja jao igegitogi meji,

“Niḡidi ageica ane yakadi micota niḡidi nipenagadi  
ane jilakidetema yoiigi.” ’ ’ ”

<sup>12</sup> Inioxoadipi, adowetita adiḡica niḡina  
akaamitiwaji ane abeyacege laalegena aneo  
me daḡa nakatoteda Goniotagodi, codaa niḡida  
niciagi gadadeegiticogi ditigedi motonitedice  
Aneotedoḡoji, Niḡijoa ewikegi.

<sup>13</sup> Pida akamaḡakaami adinoniciwaḡatitiwage  
inoatawece nokododi maleegakati majipaata  
ligegi Aneotedoḡoji, amanagawini ageicoa niḡina  
akaamitiwaji ane dakake laalegena, leegodi  
libeyacegeco ane inaale.

<sup>14</sup> Igaataḡa oko lokaagetedipi Cristo nige ido-  
kee me jinakatonaga nigepaa godiniogo, digo mi-  
jotaḡa me jinakatonaga maleekoka joleegatibige  
me jinakatonaga.

<sup>15</sup> Igaataḡa mee lotaḡa Aneotedoḡoji,  
“Niḡajipaata ligegi Aneotedoḡoji niḡina noko,  
jinagakakagati gadaalegenali,  
mijotaḡa anee jotigide gadaamipi  
nogodakapetege Aneotedoḡoji,  
codaa modineetalo.”

<sup>16</sup> Amiidi ica anowajipatalo Aneotedoḡoji odaa  
niḡidiaageidi ja nakapetegi? Ijotawece niḡijo oko  
ane noḡaticoace Moisés me ideitice Egito.

<sup>17</sup> Amiidi ica Aneotedoꝑoji ane yelatetema icoatigilo cwareenta nicaaꝑape? Yelatetema niꝑijo anowote loenataka ane beyagi odaa ja nigo miditaꝑa nipodigi ane yadilo ane digicata nigeladimigipi.

<sup>18</sup> Niꝑijo Aneotedoꝑoji neꝑeote ligegitediogi ica noiigi me doꝑoyakadi motota ane yoetetema me nipenaꝑadi loiigi, amiidi ica aneetediogi Aneotedoꝑoji? Eetetece Aneotedoꝑoji niꝑijo ane doꝑoyiwaꝑaditeda.

<sup>19</sup> Odaa ja jinataꝑa aꝑoyakadi motota niꝑica nipodigi Aneotedoꝑoji ane yemaa me yajigotediogi loiigi, leeꝑodi me doꝑonakatoteda.

## 4

### *Ica nipenaꝑadi loiigi Aneotedoꝑoji*

<sup>1</sup> Aneotedoꝑoji eote ligegitedoꝑogi me jakataꝑa me jakaꝑatiwece codaa me inipenaꝑatini miniwataga digoida ditibigimedi. Enice ele me idinowetaga adigica niꝑina akaamitiwaji aneyamaꝑatice, oditaꝑa aꝑalee yakadi me iwida niꝑica ꝑonipenaꝑadi.

<sup>2</sup> Igaataꝑa oko eledi jajipaꝑatalo nibodicetedi anele ane icoꝑotedibigimece miniwataga Aneotedoꝑoji, digo mijotaꝑa ꝑodaamipi mowajipatalo. Owajipatalo lotaga Aneotedoꝑoji, pida niꝑijo mowajipatalo aꝑica anoniboloiteetece leeꝑodi aꝑoyiwaꝑadi.

<sup>3</sup> Igaataꝑa niꝑida moko baanaꝑa jinakatonaga Goniotagodi, baꝑa jakaꝑatio miditaꝑa ꝑonipenaꝑadi. Pida beꝑeetediogi Aneotedoꝑoji ꝑodaamipi,

“Idelatema nigijo oko odaa ja jao igegitigi me digicata ane nakatiobece odaa anipenaga digoina meetaga”. Aneotedogoji eote nigida ligegi leegodi me dakapetetege jotigide godaamipi idaagee naga igodi inoatawece me ilakidetedi nipenagadi.

<sup>4</sup> Digawini anodaagee Aneotedogoji me yalagate nigica noko gonipenegegi maditaga lotaganagaxi, mee, “Aneotedogoji yadeegi dibatio gobaagadi nokododi meote inoatawece ane loenataka, odaa negeledi noko jaganipetedini.”

<sup>5</sup> Odaa ja yalagatace nigica noko, nigijo mee, “Agoyakadi me nakatiobece oditaga nipenaga meetaga.”

<sup>6</sup> Nigijo odoejedipi oko anowajipatalo nibodicetedi ane icogotedibigimece miniwataga Aneotedogoji adakatiobece miditaga ica domaga nipenagadi ane yoetetema Aneotedogoji, leegodi agoyiwagadi lotaga. Pida inaeledi oko anepaga dakatiobece miditaga nigica nipenagadi.

<sup>7</sup> Igaataga Aneotedogoji ja iolatediceeledi noko anidokeyatedigi me “Nigina noko”. Nigijo jotigide godaamipi oyotigimade Aneotedogoji. Odaa naga ixomagatediijo owidi nicaagape, Aneotedogoji ja iige Davi meetece nigijoa notaga baanaga ejinagatece,

“Nigajipaata ligegi Aneotedogoji nigina noko, jinaga akakagati gadaalegenali!”

<sup>8</sup> Josué daantaga yadeegi nigijo noiigi miditaga nigica nipenagadi anejinagatece, daganagawini Aneotedogoji ageetetece nigidiaagidi nigicaeledi noko aneyatedigi me “Nigina noko”.

<sup>9</sup> Odaa jigeidaagee egidita ica nipenagadi Aneotedofoji loiigi, digo mijoataga Aneotedofoji manipetedini naga saabado naga igodi inoatawece ane loenataka.

<sup>10</sup> Igaataga nigijo ane dakatio manipetini miniwataga Aneotedofoji digoida ditibigimedi, nigini oko ja ika inoatawece libaketedi, digo mijoataga Aneotedofoji manipetedini odaa ja ika libakedi.

<sup>11</sup> Enice ele me idinoniciwagataga me jakagatio, me inipenagatini miniwataga Aneotedofoji, amaleegaga agica oko ane yotigimade Aneotedofoji mijotaga jotigide godaamipi moyotigimade, odaa agaleegoyakadi me dakatiobece aneite Aneotedofoji.

<sup>12</sup> Igaataga niginoa notaga ane iwoteloco Aneotedofoji lotaganagaxi liciagi nigina ane yewiga codaa mida loniciwaga. Yakadi me dakatedio catedi me liciagi nodaajo-ocagataga ane dalepe idoatawece liwailidi. Igaataga niginoa notaga yakadi me yakagidi codaa me yawalacetiwage godowooko codaa me godiwigo, liciagi nigijo nodaajo me yakadi me iomagaditege libitagi, libole. Niginoa lotaga Aneotedofoji oiike domige beyagi, ogoa, domigele niginoa ane godemaanaga, inoa godowooko catiwedi godaalegena.

<sup>13</sup> Agica ane jakataga me jagatagatema Aneotedofoji. Inoatawece ane loenataka yelogotelogo, inoatawece naditedeloco. Codaa leeditibige me idinigeegatalo, inoatawece ane godoenataka.

*Jesus gonisacerdoti gonegegi anele*

14 Enice ele me jatitaḡatelooco ḡotiwaḡatakaneeḡeḡi, igaataḡa iniwa ḡonisacerdoti ḡoneḡeḡi aneletedoḡodomi, ane dakatediwece digoida ditibigimedi, lodoe Aneotedoḡoji. Jesus jiḡiniaa ḡonisacerdoti, Lionigi Aneotedoḡoji.

15 Niḡiniwa ḡonisacerdoti ḡoneḡeḡi yakadi me ḡodiwikode niḡina me ḡodaḡamalaaḡa, codaa niḡina me jawikodeeḡa, igaataḡa Iniaaḡiniwa odineetalo inoatawece anodigotalo, codaa me dawikode digo mokotaḡa, pida baadeḡeote ane beyagi.

16 Enice iniḡa lodoe Aneotedoḡoji anidioka limedi meliodi meletedoḡodomi, jiḡatalo me daḡa idoiḡatalo amaleeḡaḡa ḡodiwikode Aneotedoḡoji, codaa amaleeḡaḡa eliodi meletedoḡodomi, codaa me ḡodaxawatetece niḡinoa ḡodaḡalanaaḡa.

## 5

1 Ijoatawece niḡijoa ḡoneleegiwadi ane ijo me lacilodi-sacerdotitidi oiolaticoace liwigotigi eletidi ḡoneleegiwadi, oixipeticoace modibatema Aneotedoḡoji moyaxawa eledi oko. Oyadeegitalo Aneotedoḡoji liboonaaḡa niḡijo oko, codaa me niḡijoa eijedi anonigodi owotibige Aneotedoḡoji me ixomaḡateetedice niḡijoa libeyaceḡeco anowote niḡijo oko.

2 Oyakadi moiwikode niḡijo oko niḡina mowote libatico ane doḡoyowoḡoditeda me beyagi, codaa niḡijo oko anoninaaletiniwace, odaa jeḡeyamaḡaticoace, igaataḡa iniaaḡini idatecibece me naḡamalaaḡa, codaa me dibatá.

3 Leeḡodi maḡaḡa dibatá, odaa leeditibige maḡaḡa nigodi eijedi aḡijoka leeḡotedi niḡijo

oko libeyacegeco, pidaeledi leegodi aagaga libeyacegeco.

<sup>4</sup> Agica ane yakadi mepaa diniwenigide codaa agica ane yakadi degepaa diniomagaditice me lacilo-sacerdotitedi nigijo jotigide, pida ijokijo nigijo Aneotedoꝑoji ane iolatedice, codaa anenidite me niginiaa lacilo-sacerdotitedi, digo mijotaꝑa nigijo jotigide Aneotedoꝑoji neḡenidite Arão me nigijaa lacilo-sacerdotitedi.

<sup>5</sup> Joanigidaa Cristo me daꝑa diniwenigideteda, codaa me degepaa dinixipetedice me niginiaa lacilo-sacerdotitedi. Pida Aneotedoꝑoji epaa iwenigide, nigijo neḡeeteta,  
 “Akaami Ionigi.

Nigina noko jao me Ee Gadiodi.”

<sup>6</sup> Miditaꝑaeledi liwai lotaꝑanagaxi Aneotedoꝑoji, mee Aneotedoꝑoji,  
 “Idioka limedi makaami sacerdoti, ḡadiciagi mijotaꝑa Melquisedeque, nigijo jotigide.”

<sup>7</sup> Nigijo Jesus maleeḡinaaḡite digoina iigo, yotaḡaneḡetedibece Aneotedoꝑoji, dipokote. Igedi me dotaga codaa datiidi me dipokote Aneotedoꝑoji me noḡatedice lawikodigi nigidaaḡoyatedigi moyametibigo neḡepaa yeleo. Odaa Aneotedoꝑoji wajipate Jesus ane lipoketegi leegodi me yemaa meote icokica nigica ane yemaa Aneotedoꝑoji.

<sup>8</sup> Idaaḡida me Lionigi Aneotedoꝑoji, pida nigijo Jesus naḡa dawikode, odaa ja yowoogodi me leeditibige midioka limedi meyiwaḡadi Eliodi leegotedi lawikodico.

<sup>9</sup> Niḡijo Jesus naga ixomaḡateetedijo ijoatawece ane leeditibige me lawikodico, odaa jeḡeote me Gonewikatitogodi. Odaa ja yakadi meote midioka limedi me newiḡa inatawece oko anoyiwaḡadi.

<sup>10</sup> Odaa Aneotedoḡoji ja yeloḡoditedibece me niḡiniaa iolatedice Jesus me ḡonisacerdoti ḡoneḡegi, digo mijotaḡa Melquisedeque.

*Leeditibige me ḡodili mejiwaḡatakanaḡa odaa aḡejamaḡajoḡotice*

<sup>11</sup> Ja domaḡa eliodi me idalaḡa Melquisedeque, pida dakake me jeloḡoditaḡawatiwaji ane di-itigi, leeḡodi jaḡakakaḡati ḡadaaleḡenali, odaa aḡajipaatiwaji.

<sup>12</sup> Ja leegi makaamitiwaji manakatoni Goniotagodi, odaa ja domaḡakatitiwaji daḡakaami niḡaxinaganadi. Pida niḡida makaamitiwaji eleeditibige mini oko ane ḡadiiḡaxinitacece niḡinoa niḡaxinaganeeḡeco ane daḡa dakaketeda maditaḡa Aneotedoḡoji lotaganagaḡaxi. Niḡida makaamitiwaji jiḡide eni micataḡa niḡina daḡakaamitace nigaanigipawaanigi anoyopotibige waca-lotiidi, analee doḡoyakadi moyeligo niḡina baanaḡa niweenigi.

<sup>13</sup> Niḡina nigaanigawaanigi baḡaleeḡilibi, ayakadi me yowoḡoditece liḡaxinaganeeḡeco Aneotedoḡoji lotaḡa ane ikee anele, codaa ane beyagi, leeḡodi malee nigaanigawaanigi.

<sup>14</sup> Pida niḡida eledi niweenigi, liweenigi niḡina baanaḡa oko, niḡijo baanoḡoyowoḡodi moiwi niḡina ane iḡenaḡa, inaaḡina ane beyagi, odaa owo inokina ane iḡenaḡa.

## 6

1 Enice joleegatibige midapaga jiiḡaticogi odoe me idiniiḡaxinaga. Jikanaga me jiiḡaxinaganagatece niḡijoa odoejedi niḡaxinaganegeco ane daga dakaketeda anoditece Cristo. Odaa ele me idiniiḡaxinagatece niḡaxinaganegeco ane dakake, amaleegaga ili ḡotiwaḡatakanegegi. Jinagalee idiniiḡaxinagatacece me leeditibige me idinilaanagatece ḡobeyaceḡeco anowo oko midioka limedi me yeleo, codaa jinagalee idiniiḡaxinagatece me leeditibige me jinakatonaga Aneotedoḡoji.

2 Jinagalee idiniiḡaxinagatacece niḡaxinaganegegi aneetece me idinilegenaga, codaa anodaagee judeutedi me diniwilegi, codaa me niḡaxinaganegegi aneetece anodaagee Liwigo Aneotedoḡoji me iḡe oko niḡina me jipekenagateloco ḡobaagatedi. Jinagalee idiniiḡaxinagatacece niḡaxinaganegegi aneetece anodaagee Aneotedoḡoji meote émagaga me newigatace, codaa anodaagee me iwi, odaa midioka limedi me iloikatidi niḡina oko abeyacagaga.

3 Enice jikanaga inoa niḡaxinaganegeco, odaa idiniiḡaxinagatece niḡaxinaganegeco бага dakake, nige ḡodika Aneotedoḡoji me jaoga.

4 Odaa ele me joleegatibige midapaga jiiḡaticogi odoe me idiniiḡaxinaga, igaataga niḡijo aneyamaḡatice eliwaḡatakanegegi, codaa ane daḡalee yemaa me diotece Goniotagodi, aḡaleegica nimawenegegi me dinilaatace. Ja yowoḡodi nilokokena Aneotedoḡoji, codaa ja ici niḡijo

noḡeedi Aneotedoḡoji ane yajigoteta, codaa jḡijo me deemitetece loniciwaga Liwigo Aneotedoḡoji catiwedi laalegena.

<sup>5-6</sup> Jḡijo me ici lotaga Aneotedoḡoji, oadaa ja yowoḡodi mele, codaa jḡijo me ici niḡinoa lixaketedi anele ane yajigota Aneotedoḡoji Liwigo, nigeyamaḡatice oadaa aḡalee yemaa me diotece Goniotagodi, aḡaleegica ḡonimaweneḡegi daga jaḡaga me dinilaatacece libeyaceḡeco, igaataga niḡida anee micataga daga yototacedini Lionigi Aneotedoḡoji, oadaa ja yametibigimece lodoe eledi oko.

<sup>7</sup> Niḡina oko liciaceekawa iḡo. Igaataga niḡina ebici midatibece menitinigi iḡo, oadaa iḡo jḡinoa ane nokoloḡoteloco nawodigijedi anele, ane yemaa nawodaganaga, oadaa Aneotedoḡoji ibinie niḡidi iḡo.

<sup>8</sup> Pida niḡina iḡo minoka yajigoteda lalepiḡigoli inaa lewaga ane diḡicata aneletema, doidetibige Aneotedoḡoji me ixoo niḡidi iḡo, codaa me yalegi.

<sup>9</sup> Pida idaaḡidata mejinaga niḡijoa ḡodotaga, yokaḡetedipi yemaanigipi, aḡejiwagaatanaga daḡamiḡiticoace, pida ejiwagaataga midioka limedi me ikeeni anodaḡeni me ḡadewiki Aneotedoḡoji meote gela ḡadewiga.

<sup>10</sup> Aneotedoḡoji iḡenaga, codaa ayaḡiditedibige niḡijo ḡabakedi anawiitiwaji, codaa me ḡademaanagaḡegitalo anikeenitiwaji niḡijo maxawani codaa niḡina natigide maxawani ḡanioxoadipi, domoḡonoga libeyaceḡeco.

<sup>11</sup> Eliodi me jemaanaga moninitecibeci niḡina akaamitiwaji midioka limedi madinoniciwagaḡatitiwaji nigepaaḡicota niḡica

owidijegi noko, amaleegaga abaatege nigica ganagajegitiwaji ane nibeotagagi.

<sup>12</sup> Ajemaanaga dagakaamitiwaji abacigegipi, pida iwitece anodaagee nigina aneniwaगतakanaga, codaa odinatitalo inoatawece, amanagawini abaatege nigica Aneotedogoji anee me yajigotedagawatiwaji.

*Nigina Aneotedogoji ane ligegi, idioka limedi meote*

<sup>13</sup> Nigijo jotigide Aneotedogoji eote ligegitetege Abraão. Nigijo negeote ligegitetege, Aneotedogoji ibake epaa Liboonagadi, igaataga agicaeledi boonagadi ane dagaxa me gonegegi.

<sup>14</sup> Nigijo Aneotedogoji negeote ligegitetege Abraão, meeteta, “Jao igegitagagi jaotagadomi nigina anele, codaa jaotagadomi mowidi gadionigipi, gadawaga.”

<sup>15</sup> Abraão abotege me dinatita me nibeotege nigijo ane ligegiteta Aneotedogoji, joanigidaa leegodi me dibatege nigijo aneeteta Aneotedogoji me yajigote.

<sup>16</sup> Nigina oko mowo ligegi, oibakeeledi oko liboonagadi ane dagaxa me gonegegi moikee mowi mowo nigida ane ligegi. Odaa nigina mowo nigegitegeeledi oko, odaa ja yaagadi okanicodaaagica notigimadigi.

<sup>17</sup> Aneotedogoji yemaa meote me yenikamaga moyowoogodi nigina oko nigica aneote ligegitetege. Yemaa me ikee me daga anojicetetema ane ligegi. Joanigidaa leegodi me ibake epaa Liboonagadi nigina meote nigijo ligegitetege Abraão.

18 Joanigidaagee idoa itoataale ane daga yakadita me diniigi: Jiginiaa Aneotedoꝑoji aneote ligegi, codaa jiginiagaꝑiniwa ane ibake epaa Liboonagadi. Odaa joanigidaagee Aneotedoꝑoji ayakadi daga godinaale. Codaa joanigidaa leegodi me jotetagatini, okomodi baanaꝑa jelaꝑatalo Aneotedoꝑoji me godotete, codaa jakataꝑa mabo godaalegena me inibeoonagatege ꝑonaꝑajegi anicota me najigotedoꝑowa.

19 Niꝑina me inibeoonagatege niꝑica ꝑonaꝑajegi, ele me joleegatibige me jotetagateloco ꝑotiwagatakaneegegi, odaa aꝑejamaꝑaꝑoꝑotice daga jonaꝑatedice Aneotedoꝑoji. Niꝑina me jotetagateloco ꝑotiwagatakaneegegi, ꝑotiwagatakaneegegi liciagi niꝑina ꝑapilecege anoyate catinedi ninyoꝑodi ane daga ika niwatece me yadeegi ninyoꝑodi, igaataꝑa dotetetini. Inibeoonagatege Niꝑiꝑoa ane dakatediwece digoida lodoe Aneotedoꝑoji, micataꝑa niꝑiꝑo lacilo-sacerdotitedi me dakatiobece Aneotedoꝑoji ligeladi, ixomaꝑatice caticedi naꝑaꝑo lipegetege epoacajo, odaa ja dakatiwece digoida lodoe Aneotedoꝑoji.

20 Jesus jigijaa odoeꝑegi me dakatediwece lodoe Aneotedoꝑoji digoida ditibigimedi me godelegete. Jiꝑiꝑaꝑiꝑoa anidioka limedi me sacerdoti ꝑonegegi, liciaceekawa mijotaꝑa sacerdoti Melquisedeque.

## 7

*Melquisedeque, sacerdoti codaa me inionigiliodi*

<sup>1</sup> Niğica jotigide ica Melquisedeque ninionigieliodi aca nigotağa ane liboonagađi Salém, codaa me sacerdoti ane dibatema Aneotedođoji ane iige inoatawece. Niğica Abraão naga dopitice me diwitide niğica naga nigodi icoa ciinco inionaga-eloodoli anoidedege, ođaa Melquisedeque jiğigo dakapetege, ođaa ja ibinie.

<sup>2</sup> Ođaa Abraão ja yajigota Melquisedeque nidiizimo icoatawece niğicoa lateka ane nepilidi niğijoa inionaga-eloodoli. Ica liboonagađi Melquisedeque one amina anejinağata “Inionigieliodi ane iğenaga”, iniaağini ninionigieliodi aca Salém, amina anejinağa “Inionigieliodi aneote mele godaalegenali”.

<sup>3</sup> Codaa ağica ane yowoogodi niğica eliodi oteğexaagağa aca eliodo, oteğexaagağa ica nelokododipi. Ağica ane yowoogodi ica neğenitini, codaa ica naga yeleo. Ođaa ja liciagi Aneotedođoji Lionigi, iğaatağa ijaağijo idioka limedi me sacerdoti.

<sup>4</sup> Digowootiwaji Melquisedeque me dağaxa me gonegegi! Abraão aneliodi inatawece godoiigi pida yajigota Melquisedeque nidiizimo niğicoa lateka me diwitide.

<sup>5</sup> Niğijo anida aneetege licogegi Levi, niğijo lionigi Jacó, ane libatadegegi me sacerdotitedi. Niğijoa lajoinaganegeco Moisés iige niğidiwa sacerdotitedi modibatege nidiizimo niğidi noiigi, inoatawece ane nepilidi, idaagee niğidi noiigi me nioxoadipi, codaa mida aneetege licogegi Abraão.

<sup>6</sup> Melquisedeque ağica aneetege licogegi Levi, pida dibatege nidiizimo Abraão, liwai niğicoa lateka. Ođaa ja ibinie Abraão, niğijo ane dibatege

nigijo ane ligegitetege Aneotedoꝑoji me yajigote.

<sup>7</sup> Ajawienatakanaga me nigina ane ibinie eledi oko daḡaxa me ḡoneḡegi caticedi nigini ane ibinie.

<sup>8</sup> Nigijo anida aneetege licogegi Levi anodibatibigege nidiizimo nigica oko, liwai ane nepilidi, nigidiwa ḡoneleegiwadi anodibatibigege baḡa nigo. Pida lotaḡanaḡaxi Aneotedoꝑoji mee nigijo analeegini me yewiḡa ja dibatege nidiizimo Abraão, liwai lateka.

<sup>9</sup> Jakataḡa mejinaḡa nigijo Abraão naga yajigo nidiizimo, liwai lateka, oada Levi micataḡa deḡeledi yajigota Melquisedeque nidiizimo nigijo Abraão naga yajigo, liwai lateka.

<sup>10</sup> Levi anigica degenitini, pida itigi lolaadi nelokodi Abraão nigijo Abraão naga dakapetege Melquisedeque. (Joanigidaa leegodi me jakataḡa mejinaḡa Levi maḡaḡa yajigota Melquisedeque ni-diizimo nigijo Abraão naga yajigo liwai lateka.)

<sup>11</sup> Nigijo Aneotedoꝑoji naga yajigote loiigi Israel nigijoa lajoinaḡaneḡeco Moisés, iige nigijoa leviitatedi anida aneetege licogegi Arão me sacerdotitedi. Pida nigijo libakedi ayakadi deḡeo nigidi noiigi midioka limedi me newiḡa miniwataḡa Aneotedoꝑoji. Joanigidaa leegodi naga leeditibige eledi latopagi sacerdoti, liciagi Melquisedeque, pida baadaḡa liciagi Arão.

<sup>12</sup> Pida nigina me leeditibige me diniigi ane latopagi sacerdoti, oada eledi leeditibige me diniigi lajoinaḡaneḡeco Moisés.

<sup>13</sup> Lotaḡanaḡaxi Aneotedoꝑoji eetece nigica eledi sacerdoti, codaa eledi ane licogegi, aḡica aneetege licogegi Levi. Aḡica otiginitece oko nigida ane licogegi ane dibatema Aneotedoꝑoji

me nigodi codaa me yalegi eijedi maditaga Aneotedoꝓoji nameeja.

<sup>14</sup> Jowoꝓotaꝓa Goniotagodi mida aneetetege ane licoꝓegi Judá. Pida Moisés aꝓica deꝓee niꝓina oko anida aneetege licoꝓegi Judá daꝓa yakadi mowo me sacerdoti.

*Ica eledi sacerdoti ane liciagi Melquisedeque*

<sup>15</sup> Digawini jeꝓeneꝓegi yenikamaꝓa naga diniigi anodaꝓee sacerdoti, igaataꝓa jeꝓeno eledi ane latopagi sacerdoti ane liciaceekawa Melquisedeque.

<sup>16</sup> Adinoe me sacerdoti daꝓa leeꝓotedi niigenatakaneꝓeco anowo licoꝓegi Levi me sacerdotitedi. Pida dinoe me sacerdoti leeꝓodi iniaa loniciwaga aneo midioka limedi me yewiꝓa, igaataꝓa aꝓica ane yakadi me yaꝓadi lewiꝓa.

<sup>17</sup> Igaataꝓa lotaꝓanaꝓaxi Aneotedoꝓoji eetece, niꝓijo mee, “Idioka limedi makaami sacerdoti, ꝓadiciaceekawa Melquisedeque.”

<sup>18</sup> Jiꝓidaa naga yaꝓadi niꝓijo lajoinaꝓaneꝓegi Moisés aneetece niꝓica ane yakadi me sacerdoti. Igaataꝓa niꝓijo najoinaꝓaneꝓegi inokeo me sacerdoti niꝓina oko ane diꝓica loniciwaga, codaa ane diꝓica ane jaꝓa.

<sup>19</sup> Igaataꝓa liigenatakaneꝓeco Aneotedoꝓoji aꝓica loniciwaga deꝓeo oko me iꝓenaga. Pida Aneotedoꝓoji jeꝓeote niꝓica eledi ane daꝓaxa meletoꝓodomi ane inibeonaꝓatege. Odaa leeꝓodi niꝓica ane inibeonaꝓatege, odaa ja jakataꝓa me jiꝓeꝓaꝓatege Aneotedoꝓoji, leeꝓodi ꝓodilaꝓatege.

<sup>20</sup> Aneotedoꝓoji eote ligegitetege Jesus niꝓijo neꝓeote me sacerdoti. Pida niꝓijo anida aneetege

licoḡegi Levi niḡijo noḡowote me sacerdotitedi, Aneotedoḡoji aḡica deḡeote ligegitetege.

<sup>21</sup> Pida niḡijo Jesus naḡa sacerdoti, Aneotedoḡoji eote ligegitetege, meeteta,

“Goniotagodi Aneotedoḡoji eote ligegi codaa aiigi lowoogo.

Niḡida makaami idioka limedi makaami sacerdoti,

digo mijotaḡa Melquisedeque.”

<sup>22</sup> Leeḡodi Aneotedoḡoji meote ligegitetege Jesus, oada Jesus daḡaxa meliodi loniciwaḡa meote niḡijo Aneotedoḡoji ane ligegitetege, niḡijo neḡeote me ḡodilaḡatacege Aneotedoḡoji meote ḡodewiḡa.

<sup>23</sup> Digawini eledi ane jinaditece. Niḡijo jotigide ijoa owidi sacerdotitedi leeḡodi me nigo oada aḡoyakadi midioka limedi me nibaḡaḡa.

<sup>24</sup> Pida Jesus biḡidioka limedi miniwa me yewiḡa, oada yakadi midioka limedi me sacerdoti, oada aleeditibige eledi sacerdoti ane waxodi limedi.

<sup>25</sup> Joaniḡidaa leeḡodi mida loniciwaḡa meote midioka limedi me newiḡa niḡina oko ane yadeegiteta Aneotedoḡoji, igaataḡa idioka limedi me yewiḡa me dipokotedibigeloco niḡidi oko miniwataḡa Aneotedoḡoji.

<sup>26</sup> Enice Jesus jiḡijaḡijoa niḡica sacerdoti ḡoneḡegi ane jopoḡatibige. Ijaḡijoa liciagi Aneotedoḡoji, aḡica deḡeote ane beyagi, aḡica nibeyaceḡegi catiwedi laalegena. Aneotedoḡoji iomaḡaditedice Jesus liwigotigi niḡina oko abeyacaḡaḡa, oada Aneotedoḡoji ja yadeegi me ideite miniwataḡa mepaa iige inoatawece.

<sup>27</sup> Jesus aliciagi niḡijoa eletidi sacerdotitedi ane leeditibige monigodi eijedi odaa joḡoyajigotalo Aneotedoḡoji inoatawece nokododi, leegotedi epaa libeyaceḡeco codaa me libeyaceḡeco eledi oko. Igaataga Jesus epaa diniboote Aneotedoḡoji leegotedi libeyaceḡeco oko. Odaa onijoteci meote, odaa aḡalee leeditibige deḡeotace, igaataga niḡijo aneote idioka limedi me diniwaloe.

<sup>28</sup> Niḡijoa lajoinaḡaneḡeco Moisés iolaticoace ḡoneleegiwadi me lacilodi-sacerdotitedi, pida niḡidiwa ḡoneleegiwadi inoa libeyaceḡeco. Pida niḡidiaaḡidi Moisés naga igodi me idi lajoinaḡaneḡeco, niḡidiaaḡidi Aneotedoḡoji jeḡeote ligegi, odaa ja iolatedice Lionigi, niḡijoa aneote midioka limedi me sacerdoti ane diḡica libatiigi.

## 8

### *Jesus ḡonisacerdoti ḡoneḡegi*

<sup>1</sup> Ijoatawece niḡijoa ḡodotaga anejinaḡatece, idiwa ane daḡaxa me ḡoneḡaga baanaḡa ejinaḡa natigide. Iniwa ḡonisacerdoti ḡoneḡegi ane nicote liwai libaḡadi Aneotedoḡoji anida loniciwaḡatedeloco inoatawece.

<sup>2</sup> Niḡiniwa sacerdoti eote libakedi lodoe iniaaḡiniwa Aneotedoḡoji. Aḡeote libakedi catiwedi nopeḡedi liciagi niḡijo anowo loiigi Aneotedoḡoji niḡijo jotigide, pida libakadi niḡijo nimeri Goniotagodi Aneotedoḡoji ane yoetetema, nimeri ane iḡenaḡa, diḡoida ditibigimeri.

<sup>3</sup> Ijoatawece lacilodi-sacerdotitedi oiolaticoace moyadeegitalo Aneotedoḡoji niḡicoa liboonaga niḡina oko, codaa minoa eijedi anonigodi,

owotibige Aneotedoꝓoji me ixomagateedice libeyacegeco. Joaniꝓidaa leegodi me leeditibige ꝓonisacerdoti ꝓonegegi maꝓa leeditibige midici ane yadeegiteta Aneotedoꝓoji.

<sup>4</sup> Diꝓinaaꝓite niꝓina iꝓo, aꝓotaꝓa sacerdoti, iꝓataꝓa owidi sacerdotitidi anoyadeegitalo Aneotedoꝓoji liboonaaꝓa niꝓiꝓo oko, aneliigenatakanegegi najoinaꝓanegeco judeutedi. Codaacristo aꝓica aneetetege licoꝓegi Levi daꝓa liciagi niꝓiꝓoa eletidi sacerdotitidi.

<sup>5</sup> Niꝓidiwa eletidi sacerdotitidi odibatema Aneotedoꝓoji catiwedi nopegedi aneliwigo niꝓica digoida ditibigimedi, codaamicataꝓa daꝓa liwaniꝓica anelibakadi Jesus digoida ditibigimedi. Joaniꝓidaa leegodi niꝓiꝓo Moisés maleekoka doletibige meo ica lopegedi Aneotedoꝓoji, Aneotedoꝓoji yajoi meeteta, “Adowetita, awii liciagi niꝓini ꝓawinigi ane jikeetaꝓawa digoida maditaꝓa wetiꝓa.”

<sup>6</sup> Pidanatigide Cristo ja dibatetege libakedi anedaꝓaxamele caticedi niꝓiꝓoa jotigide libaketidi niꝓiꝓoa sacerdotiteditigi niꝓina iꝓo. Codaaniꝓiꝓo Jesus aneote eo Aneotedoꝓoji inaa ꝓoneleegiwadi moyakadi gela nimawenegegi me dinilakidetiwage, eo anedaꝓaxamele, aliciagi niꝓiꝓo jotigide aneeme dinilakidetetege oko. Iꝓataꝓa niꝓiꝓo Aneotedoꝓoji negeote ligegi, niꝓiꝓo aneetetece daꝓaxameletogoꝓomi.

<sup>7</sup> Codaaniꝓiꝓo odoejegi anigotedoꝓowa me dinilakidetedoꝓogi daaditaꝓa naꝓamalaaꝓa, Aneotedoꝓoji aꝓotaꝓa leeditibige meote gela anigotedoꝓowa me dinilakidetedoꝓogi.

8 Pida Aneotedoḡoji laagetedipi loiigi, niḡijo naḡa doḡowo niḡica ane dinilakidetetege, odaa jeḡee,

“‘Icotalo nokododi’,  
mee Goniotagodi Aneotedoḡoji,  
‘Nige jao gela anejigo me idinilakidetege loiigi  
Israel,  
codaa me loiigi Judá.

9 Niḡida gela anejigotaḡawatiwaji me  
idinilakidetagaḡi  
aliciagi niḡijo oxiiḡodi  
anejigota me idinilakidetege jotigide ḡadaamipi,  
niḡijo noko naḡa jibatigi libaḡatedi me jadeegit-  
icogi wetice niḡo Egipto.

Pida aḡowo niḡijo ane igegi me idinilakidetege,  
joaniḡidaa leegodi naḡa jikaticoace’,  
eledi mee Goniotagodi Aneotedoḡoji.

10 ‘Nigicotalo nokododi,  
nigicota me idinilakidetacege loiigi Israel,  
jiḡidaaḡee’,  
eleditace mee Goniotagodi Aneotedoḡoji.  
‘Jao midioka limedi moyowo iḡenatakanegeco.  
Codaa jixotediwece catiwedi laaleḡenali  
micataḡa daḡa jiditedini.  
Jaotace me Ee Noenogodi,  
idiaaḡidi jaotace me yoiigi.

11 Aḡaleeḡica ane leeditibige daḡa iḡaxi  
lipecaḡawa  
oteḡexaaḡaḡa nioxoa  
anodaḡee me yakadi me yowoogodi Goniotagodi  
Aneotedoḡoji,  
iḡaataḡa inatawece etidowoogodi,  
niḡina ane daḡaxa me iwikodadipi

codaa me niḡina ane daḡaxa me ḡoneḡaḡa.

<sup>12</sup> Iḡaataḡa jiwikodetibigiwaji

codaa jixomaḡateetedice niḡinoa ane daḡa  
iḡenaḡateda loenataka,

codaa aḡalee nalaḡatibigiji ane libeyaceḡeco,

codaa aḡalee jiloikatiditibigiwaji.’ ”

<sup>13</sup> Niḡijo Aneotedoḡoji me eetetece ica ḡela  
anigotedoḡowa me dinilakidetedoḡogi, ikee  
niḡijo oxiiḡodi ane domiḡigotedoḡowa me  
dinilakidetedoḡogi me daḡadiaaḡica jaḡa. Niḡina  
ane daḡadiaaḡica jaḡa, codaa moxiiḡodi, jeḡele  
me ixomaḡatijo.

## 9

### *Niḡica anodaḡeḡinaḡa mewi me joḡeeḡatalo Aneotedoḡoji*

<sup>1</sup> Digawini, niḡijo Aneotedoḡoji meote niḡijo  
odoeḡeḡi anigote me dinilakideteteḡe oko,  
ikeetediogi niḡica ane leeditibige me eetibigiwaji  
niḡina modoḡetetalo niḡijo oko, codaa ikeetediogi  
niḡijo oko anodaḡeḡe moyoe niḡijo aneiticoace  
modoḡetetalo.

<sup>2</sup> Odaa joḡodabiteḡetini niḡijo lopeḡedi anijoa  
iniwataale letiidi. Ica odoeḡeḡi le beḡeneḡeḡi  
niḡeticogi we, one liboonḡadi, “Nopeḡedi-  
le anoimaḡaditema Aneotedoḡoji”. Niḡini  
lopeḡedi-le ada noledaḡaxi, acaḡaḡa nameeja,  
icaḡicoa paontedi anoibootalo Aneotedoḡoji.

<sup>3</sup> Codaa onada aca lipeḡeteḡe ane  
iomaḡaditiwage niḡidiwa iniwataale letiidi niḡijo  
nopeḡedi. Ica eledi le aneneḡeḡi diḡetiwece

catiwedi ane liboonagadi, “Nopegedi-le aneite Aneotedogoji.”

<sup>4</sup> Catiwedi niḡini eledi nopegedi-le, adi aca nameeja oolo aneite moyalegi ica najidi ane liditege lanigi, codaa adi aca iwokodaḡaxi aneo me nalaḡatibigoḡoji maleekoka dinilakidetedogogi Aneotedogoji. Naḡadi iwokodaḡaxi onileḡeta oolo. Catinedi naḡadi iwokodaḡaxi ada aca boote anei moyotete ica niweenigi Aneotedogoji ane yajigotediogi loiigi niḡijo jotigide, anodita “Maná”. Codaa catinedi adiaaḡadi naḡadi iwokodaḡaxi idi niḡijo ligiilaḡadi Arão anidioka limedi me dione, icaaḡicoa itiwataale wetiadi ane liciaceekawa taaboa ane diniditelogo liḡenatakanegeco Aneotedogoji.

<sup>5</sup> Ditibigimedi naḡadi iwokodaḡaxi idoa itoataale aanjotedi noenataka oolo, anoditalo “Querubins”. Niḡidoa querubins oikee Aneotedogoji miniwa. Oixaketedice labadi oyapogoditini libato naḡadi iwokodaḡaxi. Niḡidi ditibigimedi naḡadi iwokodaḡaxi one liboonagadi “Banco aneite Aneotedogoji me iwikode oko.” Natigide aḡalee jakataḡa me jeloḡotaḡa anodaagee ica nopegedi.

<sup>6</sup> Niḡidiaaḡidi naḡa igo niḡicoa iniwataale letiidi niḡijo nopegedi, niḡijoa sacerdotitedi dakatiobece inoatawece nokododi catiwedi niḡijo odoejegi le niḡijo nopegedi. Dakatiobece mowote libakedi moyaxawa noiigi modoḡetetalo Aneotedogoji.

<sup>7</sup> Pida ijotawece niḡijo ane lacilodi-sacerdotitedi me dakatiobece minitaḡa eledi nopegedi-le anoyatigi me “Nopegedi-le ane itedibiga Aneotedogoji”, codaa onidateci nicaaḡabi

onidateci me dakatio. Niḡina me dakatio, idioka limedi me yadeegitedio eijeegagi lawodi anoyeloadi. Ibootalo Aneotedoḡoji niḡijoa lawodi eijeegagi eotibige Aneotedoḡoji me ixomagateetedice epaagaga libeyacegeco, codaa me libeyacegeco niḡijo noiigi.

<sup>8</sup> Leeḡodi me ijokijota ica lacilo-sacerdotitedi me dakatio, Aneotedoḡoji Liwigo ikee niḡidi noiigi maleedaḡa yakadi me dakatiobece aneite Aneotedoḡoji. Niḡijo maleeḡica ica nopegedi, dinoxoco ica lapoagi miditaḡa ica aneite Aneotedoḡoji.

<sup>9</sup> Ica nopegedi jotigide, nikeetoḡowa ica ḡoligi aneote Aneotedoḡoji natigide mejoḡota lodoe iniaaḡiniwa Aneotedoḡoji. Niḡijoa eijedi inaaḡinoa eletidi ni boonaga ica noiigi anoyajigotalo Aneotedoḡoji niḡica jotigide aḡica loniciwaga daḡa iwilegi laaleḡenali oko anoyemaa modoḡetetalo Aneotedoḡoji.

<sup>10</sup> Icoa nakataḡa jotigide inoka odiiḡaxinagatece ica anoyakadi mowacipeta codaa moyeligo, codaa anodaagee me niwilecaga. Inaaḡinoa lakataḡa anetiḡodiiḡaxitece anodaagee me idowetaḡateloḡo ḡodolaadi. Niḡinoa nakataḡa aḡaleeḡica niwaló niḡijo Aneotedoḡoji naga dinilakidetacedoḡoji.

<sup>11</sup> Pida Cristo jiḡijoa menagi. Jiḡiniaaḡiniwa niḡicoa sacerdoti ḡoneḡegi ane nadeegi inoa anele. Niḡica nopegedi analeeḡite me diba daḡaxa mele caticedi niḡijo oxiiḡodi nopegedi, codaa aḡica libeyacaḡajegi. Igaataḡa aḡoneleegiwa loenatagi niḡica nopegedi, codaa aḡicatigi niḡina iiḡo.

<sup>12</sup> Niɣijo naɣa yakagiditedeloco niɣini nopegedi, odaa ja dakatedio miditaɣa aneite Aneotedoɣoji. Onijoteci me dakatedio, codaa ayadeegitedio lawodi waxigida otegeɣaagaga waca-lionigi. Pida yadeegitedio epaa lawodi me yajigote Aneotedoɣoji, niɣijoa lawodi ane nadooɣodi madataɣa nicenaganagate. Jiɣidaa eotedibige Aneotedoɣoji me yakadi me iwilegi ɣobeyacegeco codaa meote midioka limedi me ɣodewiɣa.

<sup>13</sup> Niɣica jotigide oibake lawodi waxigida codaa me alolanaga, icaagica lajimaga waaca lioneke anoyalegi, odaa joɣoilaagagaditiogi oko abeyacaɣaga moiwilegitema loolatedi icoa libeyacegeco, owotibige moyakadi modogetetalo Aneotedoɣoji.

<sup>14</sup> Pida lawodi Cristo daɣaxa meliodi loniciwaga. Cristo aɣica libeyacaɣajegi codaa aɣica libatiigi. Codaa Liwigo, ane daɣa yeleo, yaxawa me dinibooteta Aneotedoɣoji. Lawodi iwilegitema ɣodaalegena niɣinoa ɣodoenataka ane beyagi, niɣinoa anowote me ɣodeleo. Godiwilegi eotedibige me jakataɣa me jaoga ɣobakeditema Aneotedoɣoji, ane ewikegi.

<sup>15</sup> Leegodi Cristo me dinibooteta Aneotedoɣoji, jiɣiniaaginiwa ane itedigi liwigotigi, Aneotedoɣoji inaaɣoko, odaa jegeote gela nimawenegegi me dinilakidetetege Aneotedoɣoji inaaɣoko. Joaniɣidaageote Aneotedoɣoji niɣijo ane enidite me nepilidi, eotedibige moyakadi modibatege inoa anele anakaa ligegi Aneotedoɣoji me yajigotediogi, niɣinoa ane daɣa daateda. Aneotedoɣoji yakadi me yajigo niɣinoa anele igaataɣa niɣijo Jesus naɣa yeleo, odaa ja

noḡatedicoace oko me itelogo libeyaceḡeco anowote niḡijo maleeḡijo niḡijo odoejegi nimaweneḡegi me dinilakideteteḡe Aneotedoḡoji.

16 Niḡina me dinilakidetedoḡogi Aneotedoḡoji liciagi niḡijo nakatigi midi niḡina oko ane yeleo. Niḡina me yeleo niḡina oko ane dinepie. Niḡidiaaḡidi niḡicoa ane nepilidi joḡoiigita eledi oko anepaa yemaa me yajigota maleediḡicatibige me yeleo. Odaa odibateḡe niḡicoa ane nepilidi idokidata nige yeleo niḡijo oko.

17 Niḡida nakatigi aḡica ane yaxawa niḡijo anonibeoteḡe modibateḡe ane nepilidi niḡina oko analeedaḡa yeleo. Niḡida nakatigi idoka diniwaloe niḡina naḡa yeleo niḡini ane dinepie, igaataḡa niḡidiaaḡidi odaa niḡina eledi joḡoyakadi modibateḡe niḡicoa ane nepilidi niḡijo ane yeleo.

18 Joaniḡidaa leeḡodi niḡijo odoejegi anigotedoḡowa me dinilakidetedoḡogi Aneotedoḡoji, niḡijo jotigide idoka diniwaloe niḡina monadooḡodi lawodi eijedi.

19 Odoejegi Moisés me yeloḡoditiogi noiigi inoatawece liigenatakaneeḡeco Aneotedoḡoji ane iḡete me iditedini. Niḡidiaaḡidi naḡa dibatalo lawodi wacawaanigi inaa waxigida, odaa ja yawanaḡaditeḡe ninyoḡodi, odaa niḡidiaaḡidi ja ibake aca nawodigije ane liboonḡadi “hissopo” icaaḡica waxacoco lamodi anowo me ixagodi. Odaa ja dibatalo ijoa lawodi yawanaḡaditeḡe ninyoḡodi, datikata naḡada nawodigije, odaa ja iticoḡoteloco notaḡanagaxi aniwotelogo niigenatakaneeḡeco, codaa iticoḡoteloco iditawece noiigi.

20 Odaa jeḡee, “Niḡidiwa lawodi joaniḡidiaa ane ikee Aneotedoḡoji meote anigotedaḡawa me dinilakidetedaḡagitiwaji. Dinilakidetedaḡagi Aneotedoḡoji mawii niḡina ane iḡetedaḡawa.”

21 Idaaḡaḡigota Moisés me iticoḡoteloco lawodi lopegedi Aneotedoḡoji codaa inoatawece anoibake modoḡetetalo Aneotedoḡoji.

22 Ewi niḡijo jotigide Aneotedoḡoji iḡe loiigi me domoḡoiwilegitalo icoatawece niḡicoa lanodi anoibake modoḡetetalo. Oibake eijeeḡagi lawodi noḡoiwilegi. Idoka yakaditeda Aneotedoḡoji me ixomaḡateetedice libeyaceḡeco oko niḡina mon-adooḡodi lawodi eijedi.

*Leeḡodi Cristo me yeleo, odaa ja yakadi Aneotedoḡoji me iwilegi ḡobeyaceḡeco*

23 Niḡinoa lanodi niḡini nopegedi anoiwilegit-alo lawodi eijedi owote me liwigo niḡicoa ani-diwa digoida ditibigimedi. Leeditibige moiwi-legita lawodi eijedi niḡinoa enodi digoina iḡo. Pida icoa enodi digoida ditibigimedi oyopotibige lawodi ane daḡaxa mele me yapitaḡadi.

24 Igaataḡa Cristo adakatediwece nopegedi ane loenatagi ḡoneleegiwa. Niḡijo nopegedi onowote me liwigo niḡica digoida ditibigimedi ane dakate-diwece. Idiaa dakatediwece ditibigimedi lodoe Aneotedoḡoji me dipokotedoḡoloco natigide.

25 Inoatawece nicaaḡape ica nisacerdoti-lacilo judeutedi dakatiwece Aneotedoḡoji liḡeladi. Dakatiobece niḡica diimigi-le Aneotedoḡoji ane iomaḡaditedice mepaaḡite, odaa yadeḡgitediobeci lawodi eijedi. Pida

Cristo bogonijotece me dakatedio me diniboote Aneotedogoji.

<sup>26</sup> Dagaleetiḡidaagee daganagawini, idioka limedi me dawikode niḡijo maleekoka yoeteda Aneotedogoji niḡina iḡo codaa niḡina natigide. Pida aniḡidaagee. Natigide, ja dinojogotedini icoa owidijedi nokododi, odaa ja dinikee digoina iḡo onijoteci me dinikee me dinajigo me yeleo eotedibige me noḡa libeyaceḡeco oko.

<sup>27</sup> Inatawece oko icota me nigo, odaa onidateci me yeleo niḡina oko. Odaa Aneotedogoji ja iwi niḡica anigoteta.

<sup>28</sup> Jiḡidaagee Cristo monijoteci me dinajigo moyeloadi. Yeleo eotedibige me noḡa libeyaceḡeco eliodi oko. Aḡaleegenagi daga yeletacedeloco oko libeyaceḡeco. Pida dopitedijo meote me newiḡatace ijotawece niḡijo anonibeoteḡe nige dopitacedijo.

## 10

<sup>1</sup> Icoa najoinaḡaneḡeco judeutedi micataḡa daga liwa niḡinoa anele Aneotedogoji ane niwaka-teetedibigogoji, codaa aliciagi micataḡa doḡoka liwigo. Odaa inoatawece nicaaḡape onigodi eijedi leḡodi libeyaceḡeco, codaa owote anodaa niḡenatakanegeco. Pida lemeḡegi niḡinoa eijedi aḡica loniciwaga deḡeo me iḡenagatibigiwaji, codaa aḡeo me diḡica libatiigi, niḡina oko anoyemaa mototalo Aneotedogoji.

<sup>2</sup> Niḡina oko anodoḡetetalo Aneotedogoji daaditiḡicata libatiigi oditaḡa ewi, agotaḡalee odeemitetece me dinilaagetee, codaa taḡaga oika monigodi inoa eijedi leḡotedi libeyaceḡeco.

<sup>3</sup> Pida aniḡidaaḡee. Niḡina moniḡodi eijedi, eotibige idokida ina oko monalaḡatibige inoa libeyaceḡeco inoatawece nicaaḡape.

<sup>4</sup> Iḡaataḡa lawodi alolanadi, waxiḡidatedi aḡica loniciwaga me noḡa libeyaceḡeco oko.

<sup>5</sup> Joaniḡidaa leeḡodi maleeka doletibige Cristo menaḡi niḡina iḡo, oada meeteta Aneotedoḡoji, “Aḡemaani niḡina oko moniḡodi eijedi leeḡotedi libeyaceḡeco oteḡexaaḡaga niḡinoa niḡoonagaḡagawa niḡina oko.

Pida idi yolaadi ane oenitomi me jiḡeladetigi.

<sup>6</sup> Aḡeo maniniitibeci niḡina oko moyaleḡi niḡinoa eijedi

maditaḡa ḡanameeja wetiḡa,

oteḡexaaḡaga niḡina moniḡodi niḡinoa eijedi.

<sup>7</sup> Oada meji,

‘Ite Ee ina, ja idigo, Inoenoḡodi,

janagi me jaote anemaani.

Jiḡidaaḡee moiditeloce aneetici maditaḡa ḡadotaḡanagaḡaxi.’ ”

<sup>8</sup> Niḡijo Cristo neḡeetetece niḡijoa lotaga baanaga jidiḡatedini, mee, “Aḡemaani niḡina oko moniḡodi eijedi modoletibige monoḡa libeyaceḡeco, oteḡexaaḡaga niḡinoa liboonagaḡagawa niḡina oko, oteḡexaaḡaga niḡina moyaleḡi niḡinoa eijedi maditaḡa ḡanameeja wetiḡa. Aḡaniniitibeci niḡina oko mowote niḡida loenataḡi.” Jiḡidaaḡeḡi, idaḡida moniḡodi eijedi anodaḡee icoa niḡenatakanegeco me ikeetiḡi.

<sup>9</sup> Oada jeḡee Cristo, “Ite Ee ina, ja idigo, Inoenoḡodi. Janagi me jaote anemaani.” Jiḡidaaḡee Cristo me yaḡadi niḡijo ligileḡeḡi

oxiiḡodi moniḡodi eijedi modoletibige monoḡa libeyaceḡeco niḡidi oko, oḡaa jeḡeote gela lakatigi niḡijo naḡa yajigo epaa lolaadi.

<sup>10</sup> Leeḡodi Jesus Cristo meote ane yemaa Aneotedoḡoji, oḡaa yajigo epaa lolaadi moyeloadi, oḡaa onijoteci me yeleo leeḡotedi libeyaceḡeco oko, ḡodawalacetetege ica ḡobeyaceḡegi eote moko nepilidi.

<sup>11</sup> Inoatawece nokododi niḡina sacerdoti judeu icotio meote ane libakedi, oḡaa elioditibece moniḡodi eijedi modoletibige monoḡa libeyaceḡeco oko. Pida lemeḡegi niḡijoa eijedi ayakadi me noḡa libeyaceḡeco oko.

<sup>12</sup> Pida Jesus, ane Gonisacerdoti ḡoneḡegi, onijoteci me dinibootedio moyeloadi leeḡotedi libeyaceḡeco oko, oḡaa niḡijo loenatagi idioka limedi me diniwaloe. Oḡaa niḡidiaaḡidi ja nicotedi liwai libaaḡadi Aneotedoḡoji.

<sup>13</sup> Oḡaa jiḡidiaaḡite Jesus me walite nigepaaḡicota Aneotedoḡoji meote me ipoditedeloco neloḡododipi.

<sup>14</sup> Jiḡidaaḡee Jesus onijoteci me yeleotedeloco libeyaceḡeco oko, oḡaa jiḡidaa leeḡodi meote midioka limedi me iḡenaga niḡina oko anakaa iomaḡaditedicoace mepaa nepilidi.

<sup>15-16</sup> Oḡaa ica Aneotedoḡoji Liwigo nikeetoḡowa niḡidaaḡee. Iḡaataḡa oḡoejegi mee,

“‘Jiḡidaaḡejigota me idinilakidetetege ane jao niḡinoa nokododi,’

mee Goniotaḡodi Aneotedoḡoji,

‘Iḡejate iḡenatakaneḡeco catiwedi laaleḡenali,

codaa jaote midioka limedi moyowo  
iigenatakanegeco.’ ”

17 Nigidiaagidi mee,

“Agalee jemaa daga nalaḡatibigiji nigicoa libey-  
aceḡeco,

oteḡexaaḡaḡa nigijo me deḡetidadiwaḡadi.”

18 Enice nigina Aneotedoḡoji naga noga libey-  
aceḡeco oko, aḡalee leeditibige doḡonigodi eijedi  
leeḡotedi libeyaceḡeco.

### *Jakataḡa miniḡa jipecaḡateḡe Aneotedoḡoji*

19 Enice, inioxoadipi, abo ḡodaaleḡena me  
jakaḡatio aneite Aneotedoḡoji leeḡodi Jesus me  
nadoḡoditedoḡoloco lawodi.

20 Eote gela ḡonaigi mejoḡotalo Aneotedoḡoji.  
Micataḡa nigica naigi daga igotece madataḡa  
aca lipeḡeteḡe epoacajo minitaḡa Aneotedoḡoji  
ligeladi. Jesus, anewikegi, jiḡiniaaḡiniwa nigijo  
naigi leeḡodi me yajigo epaa lolaadi moyaaḡadi,  
digo majotaḡa naḡajo lipeḡeteḡe epoacajo me daa.

21 Odaa ini ica ḡonisacerdoti ḡoneḡegi ane  
dowediteloco Aneotedoḡoji loiigi.

22 Enice iniḡa jipecaḡateḡe Aneotedoḡoji, jinaga  
jikanaga ḡodaaleḡena daga ḡodinaale, pida  
ejiwaḡataḡa ajawienaga. Lawodi Jesus noga  
moko nilaḡedi, odaa ḡodapiditema inoatawece  
ḡobeyaceḡeco, micataḡa nigina ninyoḡodi ane  
yapidi me yapitaḡadi ḡodolaadi.

23 Idioka limedi me inibeonaḡateḡe ica  
ḡonaḡajegi Aneotedoḡoji ane ligegitedoḡowa,  
me daga jawienagaḡeda, igaataḡa Aneotedoḡoji  
idioka limedi meote nigina ane ligegi.

<sup>24</sup> Eleditace, jowooga nigica anodaagee me jakataga me jaxawanaga me idatawece idine-maanagatiwage, codaa me jaxawanaga inatawece mowote anele.

<sup>25</sup> Jinaga jikanaga me jatecogojogo me jilokagatege eletidi anonakato Goniotagodi anee niginaeledi oko, ane daga yatecogotibece. Pida joniciwagataga eletidi oko, enegegi jaogate igaataga me jinataga ja nipecti nigica noko nige dopitedijo Goniotagodi.

<sup>26</sup> Igaataga nigidapaga iniwinagata midioka limedi me jaoga ane beyagi, codaa nige daga jikanaga me jaoga, idagida naga jowoogotaga anewi, agica eletidi gonimawenegegi menitedice gobeyacegeco.

<sup>27</sup> Pida idoka jakataga me idoiigata nigica noko Aneotedogoji nige iwi anigotedogowa, codaa me godiloikatidi minitaga noledi ane daga ipe, ane yalegi nigicoa nelogododipi Aneotedogoji.

<sup>28</sup> Nigica jotigide nigina iniwataale ogoa domige iniwatadigini oko nogodi monadi eletidi oko meo ane daga ikata meo nigijo liigenatakanegeco Aneotedogoji, odaa oyelodi nigijo oko, agica dogoiwikode.

<sup>29</sup> Enice amiida ica anakatitiwaji? Igamigote Aneotedogoji ina oko anododigotalo Lionigi Aneotedogoji micataga daga naagogo, codaa igamigigote Aneotedogoji nigina oko ane daga deemitetigi lawodi Cristo, Aneotedogoji ane dibatetege, meote gela nimawenegegi me dinilakidetedogogi? Nigidiwa lawodi eo nigina oko me yapidi, pida nigina oko ane daga deemitetigi lawodi Cristo idigotalo micataga daga

liciaco eijedi lawodi. Codaa niḡina oko beyagi me dotaḡatibige Aneotedoḡoji Liwigo anidioka limedi meliodi meletedoḡodomi. Aneotedoḡoji eliodi me iloikatidi niḡina oko liciagi.

<sup>30</sup> Igaataḡa jowoogotaḡa niḡijo nidigo anee, “Emeḡeeta jiloikatidi niḡina oko leeḡodi niḡinoa anowote ane beyagi, idinilakideteḡe.” Codaa eledi ijo nidigo anee, “Goniotagodi iwi anigotediogi loi-igi.”

<sup>31</sup> Nige iniaaḡiniwa Aneotedoḡoji ewikegi iwi anigote oko leeḡodi libeyaceḡegi, odaa niḡina oko eliodi me doitibigiwaji.

<sup>32</sup> Analakitibigetiwaji anodaḡeni niḡijo jotigide. Niḡidiaaḡidi Aneotedoḡoji naga ikeetedaḡawatiwaji nilokokena, eliodi mawikodee, pida aḡetiḡadakati.

<sup>33</sup> Idatibece niḡina ḡaneloḡododipi etiḡadiweenigenitice codaa moy-ametibigaḡajitiwaji lodoe noiigi. Idatibece ja ḡadigomitiwaji me adinawanagaḡiteḡe niḡijoa ane nawikodeeḡa.

<sup>34</sup> Niḡida makaamitiwaji iwikodeni niḡina ane idei niwilogoḡaxi leeḡodi eliwaḡatakaneeḡegi, codaa ele maniniitibeci niḡina modoliceta niḡina ane ḡanebi, igaataḡa owoogotitiwaji me idi ḡanaḡajegi ane daḡaxa mele, codaa ane diḡicata daḡa daa.

<sup>35</sup> Enice idioka limedi mawii mabo ḡadaaleḡena manakatoni Aneotedoḡoji, igaataḡa yajigotedaḡawa niḡica ḡanaḡajegi anele.

<sup>36</sup> Adinatiitalo mawii ḡadawikodico Aneotedoḡoji ane yemaa, odaa nigidiaaḡidi akati mabaateḡe niḡijo ane ligegitedaḡawa me

yajigotedagawa.

<sup>37</sup> Igaataga      diniditelo      lotaganagaxi  
Aneotedogoji,

“Onanagateciḡidiwa nokododi,  
odaa Niḡijoa anicota menagi,  
jeḡenagi,  
codaa ayajebi.

<sup>38</sup> Odaa niḡina oko ane iḡenaga  
idioka limedi me yewiḡa  
leegodi me idadiwaḡadi.  
Pida niḡina oko anopiteḡe lowidi,  
aḡeo me idinitibeci.”

<sup>39</sup> Niḡida moko aḡoko niḡina anopiteḡe lowidi,  
odaa jaḡaniatagigipi. Pida baḡa ejiwaḡataga  
Goniotagodi, odaa idioka limedi me ḡodewiḡa.

## 11

### *Ica oko anoyiwaḡadi Goniotagodi*

<sup>1</sup> Igamodaagee ica mewi mejiwaḡataga  
Goniotagodi? Niḡina mejiwaḡataga, ajawien-  
atakanaga me jibaḡateḡe niḡica ḡonagajegi  
ane ligegitedogowa Aneotedogoji. Niḡina  
mejiwaḡatakanaga, jowoogotaga mewi minoa  
niḡicoa analee daḡa jakataga me jinataga.

<sup>2</sup> Niḡica jotigide inatecibece oko anonakato  
Aneotedogoji, odaa Aneotedogoji ninitedibece  
leegodi niḡijo oko monakato.

<sup>3</sup> Leegodi mejiwaḡataga, jowoogotaga niḡijo  
jotigide Aneotedogoji mee, odaa iḡo, codaa mi-  
noatawece aninoa digoida ditibigimedi ja dini-  
kee. Ibake niḡinoa ane daḡa jakataga me jinataga  
meote niḡinoa ane jakataga me jinataga.

<sup>4</sup> Niḡijo jotigide, Abel naḡa yadeegi eijeeḡagi me ibootalo Aneotedoḡoji, niḡijo ane yadeegi daḡaxa mele caticedi niḡijo liboonigi Caim anaḡaḡa yadeegitalo Aneotedoḡoji leeḡodi Abel me nakato Aneotedoḡoji. Odaa leeḡodi Abel me nakato Aneotedoḡoji, odaa Aneotedoḡoji ikee me yakadi Abel me iḡenaḡa niḡijo naḡa dibateteḡe niḡijo Abel liboonigitalo. Eleditace, leeḡodi Abel me nakato Aneotedoḡoji, odaa micataḡa daḡalee ḡodotaḡaneḡe, idaḡidata naḡa jotigide me yeleo.

<sup>5</sup> Leeḡodi Enoque me nakato Aneotedoḡoji, odaa ayeleo, pida Aneotedoḡoji yadeegitedibigimece ditibigimedi, odaa aḡaleeḡica monadi. Aneotedoḡoji lotaḡanaḡaxi mee Aneotedoḡoji me ninitedibece maleediḡicatibige daḡa yadeegitedibigimece ditibigimedi.

<sup>6</sup> Niḡina oko nige daḡa nakatoteda Aneotedoḡoji, niḡina oko aḡica nimaweneḡegi doḡodocaḡatalo Aneotedoḡoji. Iḡataḡa niḡina oko ane yemaa micotalo Aneotedoḡoji leeditibige meyiwaḡadi miniwa Aneotedoḡoji, codaa Aneotedoḡoji me yaxawa niḡina oko ane dinoniciwaḡadi me doletibige.

<sup>7</sup> Leeḡodi Noé nakato Aneotedoḡoji, odaa wajipatalo niḡijo naḡa yajoitetece Aneotedoḡoji niḡinoa ane doide ane ixomaḡateetedijo, niḡinoa analee daḡa yakaditeda me nadi. Doitalo Aneotedoḡoji, odaa jeḡeo naḡajo etogo-nelegi, odaa jiḡidaa leeḡodi loiḡiwepodi nebi naḡa iwoko niḡijo ninyoḡodi naḡa yapoḡoditini iḡo. Joaniḡidaa me ikee minatawece oko nilaḡetedipi niḡina iḡo, odaa Aneotedoḡoji yakadi me iḡenaḡa Noé leeḡodi eliwaḡatakaneeḡegi.

<sup>8</sup> Leeḡodi Abraão me nakato Aneotedoḡoji, odaa jeḡeyiwaḡadi niḡijo naḡa eniditeta. Odaa jiḡigo miditaḡa ica iḡo Aneotedoḡoji ane ligegita me ya-jigote me nebi. Niḡica naḡa noditice ayowoḡodi niḡica ane diiticogi.

<sup>9</sup> Leeḡodi me nakato Aneotedoḡoji, odaa jiḡidiaa liḡeladi niḡidi nipodigi micataḡa daḡa iomigiḡi miditaḡa niḡidi nipodigi Aneotedoḡoji ane ligegite me yajigoteta. Diḡeladetigi nopegedi noiḡiwa Isaque ijaa Jacó. Aneotedoḡoji eledi ligegiteta Isaque ijaa Jacó me yajigotediogi idiaaḡidi niḡidi nipodigi.

<sup>10</sup> Abraão liḡeladi nopegedi leeḡodi me nibeotege aca nigotaḡa Aneotedoḡoji ane lowoogo meote. Odaa jeḡeote naḡani nigotaḡa aninoa lipodaḡalatedi ane diḡicata ane yakadi me yaḡadi.

<sup>11</sup> Leeḡodi monakato Aneotedoḡoji, odaa jeḡeote loniciwaḡa Abraão ajaa Sara mijo lionigi, idaḡida naḡa laxokodi, codaa Sara mina aḡica lionigi majo. Aneotedoḡoji eote loniciwaḡa Abraão leeḡodi meyiwaḡadi niḡijo neḡeote ligegiteteḡe.

<sup>12</sup> Abraão ja daḡaxa moxiḡodi daḡaleeḡica li-onigi, ja liciagi niḡina oko émeḡegi. Pida mijo owidi lawaḡa, ajakataḡa me inilaaḡataḡa, liciagi yotetitedi diḡoida ditibigimedi, codaa me liciagi dotiwadi liniogotibece akiidi-eliodi.

<sup>13</sup> Iditawece niḡidi oko onakato Aneotedoḡoji neḡepaḡicota me nigo. Niḡidi oko anoḡodibateḡe niḡica Aneotedoḡoji ane ligegi me yajigotediogi, pida micataḡa doḡonadita diḡoida ditigedi, odaa joḡoyiwaḡadi, codaa ninitibigiwaji niḡijo

noḡonadi niḡijoa Aneotedoḡoji ane ligegi meote. Anodaḡee mijo me newiḡa ikee micataḡa daḡa iomaḡaḡa, codaa micataḡa daḡa oko ane diḡica epaa liḡeladi diḡoina iḡo, idioka limedi malatitibigiwaji.

<sup>14</sup> Niḡina oko anowote niḡida niciagi oiḡeetiogi inatawece oko modoletibige niḡica nipodigi anicota me nebi.

<sup>15</sup> Odaa ḡḡalee lowoogo doḡodopita niḡicoa niḡotedi anoicoḡoticogi. Doḡoyemaa me dopitibeci, domaḡa yakadi doḡoyemaa.

<sup>16</sup> Pida odoletibige nipodigi baḡa daḡaxa mele, niḡica nipodigi diḡoida ditibigimedi. Odaa Aneotedoḡoji aniboliḡatetece moyatedigi “Inoenoḡodi”, iḡataḡa ja iḡodi me yoe naḡaca niḡotaḡa ane yajigotediogi.

<sup>17</sup> Abraão nakato Aneotedoḡoji niḡijo Aneotedoḡoji naḡa dineeteta. Ibootalo Aneotedoḡoji Isaque, niḡijo anokijoteci me lionigi. Aneotedoḡoji ligegiteta Abraão me yajigoteta owidi lawaḡa. Pida Abraão idokee me ibootalo Aneotedoḡoji Isaque, codaa ja domaḡa iḡo me yeloadi me ibootema Aneotedoḡoji.

<sup>18</sup> Aneotedoḡoji jiḡijo meete Abraão, “Jao Isaque me eniodi, codaa mowidi lawaḡa.”

<sup>19</sup> Abraão yowoḡodi codaa meyiwaḡadi Aneotedoḡoji me yakadi meotace me yewiḡa Isaque, daḡa yeleo. Niḡijo Aneotedoḡoji me daḡa ikateda Abraão me yeloadi Isaque, odaa micataḡa Aneotedoḡoji deḡeotace me yewiḡa, oditaḡa ja yopilagaḡadi Abraão.

<sup>20</sup> Leḡodi Isaque me nakato Aneotedoḡoji, dipokotalo Aneotedoḡoji me ibinie Jacó ijaa Esaú,

codaa meletetema niḡijo itoataale dinioxomigi niḡijo malee newiḡa.

<sup>21</sup> Jacó nakato Aneotedoḡoji, codaa joaniḡidaa leeḡodi, niḡijo naḡa niḡeḡi me yeleo, oḡaa ja dipokotalo Aneotedoḡoji me ibinie ijoa itoataale lionaḡa José. Niḡijo naḡa dipokotalo, Jacó digiilagatedeta ligiilagadi, oḡaa ja doḡetetalo Aneotedoḡoji.

<sup>22</sup> José nakato Aneotedoḡoji, niḡijo naḡa niḡeḡi me yeleo, oḡaa jeḡeetece niḡica noko ica loiigi Israel micota me noditicoaci Egito. Oḡaa ja ya-joitece anodaa leeditibige modigota lolaadi niḡe yeleo.

<sup>23</sup> Niḡica jotigide eliḡododipi Moisés onakato Aneotedoḡoji. Joaniḡidaa leeḡodi moyagaditini Moisés niḡijo neḡenitini, icoatigilo iniwatadiḡini epenaitedi. Onadi me libinienigi niḡica nigaanigawaanigi, codaa aḡodoita moyotigimade liḡenatakanegēgi ninionigi-eliodi Egito me niḡodi nigaanigipawaanigi.

<sup>24</sup> Leeḡodi me nakato Aneotedoḡoji, Moisés naḡa ḡoneleegiwa oḡaa aḡalee yemaa modita me lionigi aca liona Faraó, ninionigi-eliodi Egito.

<sup>25</sup> Pida idapaḡa niwita me lawikodaḡawepodi loiigi Aneotedoḡoji, idiḡida ayemaa daḡa dioteci lakataḡa noiigitigi Egito, oditaḡa eo ane beyagi. Leeḡodi me yowooḡodi monateciḡidiwa nokododi me ḡodewiḡa niḡina iḡo.

<sup>26</sup> Moisés daḡaxa me yakadi mele me dawikode codaa monietibige leeḡodi me dibatema Aneotedoḡoji, digo mijoataḡa Cristo me dawikode. Codaa ayakadi mele me nepilidi icoatawece

niḡicoa ane niliicaḡajetecidi Egito. Codaa micataḡa daḡa iwita niḡica naḡajegi Aneotedoḡoji ane yemaa me yajigoteta.

<sup>27</sup> Moisés noditicogi nipodigi Egito leeḡodi me nakato Aneotedoḡoji, idiḡida aleeḡodi daḡa doita inionigi-eliodi ane yelatema. Dinatitalo inoatawece micataḡa daḡa nadi niḡicoa Aneotedoḡoji, ane diḡica oko ane yakadi me nadi.

<sup>28</sup> Leeḡodi eliwaḡatakaneeḡitema Aneotedoḡoji, odaa ja yojogoti odoejeḡi nalokeḡi anodita me Páscoa, odaa ja iḡe loiḡi moyatitalo lapoaco lawodi waxacoco, eotibige ica aanjo ḡonematagoḡodi me daḡa nigoditeda odoejeḡi lionaḡa niḡidi loiḡi Israel.

<sup>29</sup> Leeḡodi monakato Aneotedoḡoji, loiḡi Israel odigotinigi liwigotinigi akiidi-eliodi anodita me “Lixagoteḡeḡi”. Ica ninyoḡodi ja digoxati-coace, odaa joḡodigotinigi iḡo ane yadilo. Pida niḡijo niodaḡawadi Egito niḡijo naḡa domaḡa diḡetita, odaa ninyoḡodi ja yapoḡoditiniwace, odaa joḡoḡeḡaḡa.

<sup>30</sup> Leeḡodi eliwaḡatakaneeḡeḡi niḡijo noiḡi Israel, niḡijo naḡa onawiile nibaloote neleḡi nigotaḡa Jericó niḡijoatigilo seete nokododi, odaa niḡijo baloote jegenitini.

<sup>31</sup> Aca Raabe, one ewocoma, pida ikee me nakato Aneotedoḡoji niḡijo mele me dibateḡe catiwedi liḡeladi niḡijo israelitadedi anigotibeci moiḡoadita nigotaḡa me diḡica ane yowoḡodi. Leeḡodi Raabe me nakato Aneotedoḡoji, odaa ayeleo aḡawateḡe niḡijoeledi niḡeladimigipi ane doḡoyiwaḡaditeda Aneotedoḡoji.

<sup>32</sup> Jakadi daɓa jowidaɓatee yotaɓa, pida aɓaleegabo inimesi daɓa idalaɓata Gideão, Baraque, Sansão, Jefté, Davi, ijaa Samuel, ijaagijo anoyelagoditedibece Aneotedoɓoji lowooko.

<sup>33</sup> Leeɓodi monakato Aneotedoɓoji, oideleɓe eletidi noiika, pida idokee moiɓeke. Niɓijo naga niigenatakanaga owote niɓica ane iɓenaga, oada Aneotedoɓoji ja yajigotediogi niɓijo ane ligegitediogi meote. Leeɓodi monakato, Aneotedoɓoji noxoco liaontedi niolatedi niɓina midatibece ane doide.

<sup>34</sup> Ideite liwigotigi noledi, pida anabidaɓa, iwoko me nigodi nodaajo-ocaɓataɓa. Idiaagidi ijo me aɓamalaɓaɓa, pida niɓidiaagidi jeɓeote me loniciwegaɓa. Niɓina me nidelaɓa ida loniciwaga, oada jogaigeke inoa iodaɓawadi iomaɓaɓa.

<sup>35</sup> Leeɓodi monakato Aneotedoɓoji, ijo iwaalepodi anodibatacege lionaga me newigatace, idaagida naga domaɓa nigo. Niɓijo eledi oko anidiaagidi niɓidi noiigi nawikodeeɓa me iteloco libaaɓadi laxakawepodi neɓepaagicota me nigo. Aɓoyemaa me beyagi modotaɓatibige Aneotedoɓoji oditaɓa dinikaticoace me diniwilotibigiwaji leeɓodi moyiwaɓadi Aneotedoɓoji meote me newigatace midioka limedi me idei Miniwataɓa, codaa meote ane daɓaxa mele lewiɓa.

<sup>36</sup> Ijo eledi onietiniwace codaa monalaketiniwace, inaaɓeledi oigoetiniwace, oada oyokoletiwace niwilogonaɓaxi.

<sup>37</sup> Iditecibece onigidatiniwace, idiaaɓeledi oyociwigi natecoɓotedi, iditecibece odineetiogi oy-

atitioḡi nawikodico, idiaaḡeledi onigodi oyati-  
tioḡi nodaaḡo-ocaḡataḡa. Idiaanaḡadiite, odinixo-  
tinigi lamodi waxacoco, codaa me waxigida.  
Madewetedipi, codaa oiatetibeci, oyametibigo.

<sup>38</sup> Idiaanaḡadiite wetice inoa nigotadi  
minoataḡa nipodaḡa ane yadilo ane diḡicata  
niḡeladimigipi, minoataḡa wetiadi, codaa  
modiḡeladetigilo niḡinoa lawimaḡajetedi-wetiadi,  
codaa me niḡinoa becoli catinedi iḡo. Agele niḡijo  
oko diḡidioka limedi me newiḡa liwigotigi niḡina  
oko anida aneeteḡe niḡina iḡo, iḡataḡa daḡaxa  
meletibigiwaji, aliciagi niḡina oko anida aneeteḡe  
niḡina iḡo.

<sup>39</sup> Iditawece niḡidi oko owo Aneotedoḡoji me-  
liodi me ninitedibece leeḡodi monakato. Pida  
anoḡodibateḡe niḡica Aneotedoḡoji ane ligegi me  
yajigotediogi.

<sup>40</sup> Leeditibige monibeoteḡe niḡica naḡajegi,  
iḡataḡa Aneotedoḡoji lowoogo me najig-  
otedoḡowa niḡica ḡonaḡajegi ane daḡaxa mele,  
odaa jaḡaḡa yajigotediogi idiaaḡidi niḡidi laḡajegi  
yawanaḡaditedoḡogi me yajigotediogi.

## 12

### *Aneotedoḡoji Godiodi*

<sup>1</sup> Enice micataḡa daḡa idi eliodi oko anetiḡodiwi,  
niḡijo baanoḡoikee monakato Aneotedoḡoji,  
ḡodiciagi niḡina nalokodeḡeḡajo. Odaa  
leeḡodi meliodi anetiḡodiwi, jikananaḡaticoace  
inoatawece niḡinoa anetiḡodibeyacaḡadi, codaa  
minoatawece ḡobeyaceḡeco anetiḡodigoetini,  
odaa jaḡaḡa ḡodoniciwaga me jalokodaḡaticogi

odoe, codaa me idinatiigatalo inoatawece ame godawikodico.

<sup>2</sup> Iniga jalokodaga, idioka limedi me jiwinaḡatalo Jesus aneote me jakataga me godewigatace, odaa icota me godicooḡetacedini icaagica nige naga ḡodeleo, leegodi me jinakatonaga. Igaataga Jesus akaa yowoḡodi nigidiaagidi meliodi me ninitedibece. Joanigidaa leegodi me dinatiteta nigijoa lawikodico, codaa me dinatiteta niboliḡa nigijo naga yeletedeloco nicenaḡanagate. Natigide ja nicote liwai libaagadi aca nibaanco ḡoneḡe aneite Aneotedoḡoji me nicotedi.

<sup>3</sup> Amina beḡele mowoo. Ijaagijoa Goniotagodi, eliodi me dawikode codaa dinatite ijoatawece ane beyagi anowotema nigijoa abeyacaḡaga. Joanigidaaḡee nigowootibige Goniotagodi, odaa aḡanigaaxetiwaji migetaga adinibadaani.

<sup>4</sup> Nigina makapeteḡetiwaji ane beyagi, anigica daḡanadooḡoti ḡadawodi, digo mijoataga Jesus me nadooḡodi lawodi.

<sup>5</sup> Pida ḡadaagititece nigijoa lotaga Aneotedoḡoji anowo ḡadoniciwaga, nigijo neḡetedaḡawatiwaji makaami lionigipi. Mee,

“Ionigi,

atacolitece nigina Goniotagodi Aneotedoḡoji me ḡadiloikatiti.

Jinaga adinajicitini nigina me diojotedaḡadici.

<sup>6</sup> Igaataga Goniotagodi Aneotedoḡoji diojotetece nigina lemaanigipi,

codaa me iloikatidi inatawece nigina ane di-bateteḡe me lionigipi.”

<sup>7</sup> Adinatiitalo gadawikodico micataga nionigi nigina eliodi me iloikatidi. Igaataga nigina mawikodee Aneotedofoji idigotedagawatiwaji micataga makaami lionigipi. Agica ini nionigi ane dogodiojotece eliododipi.

<sup>8</sup> Aneotedofoji diojotetece inatawece lionigipi. Akaami nige daaga diojotedagadici, odaa amewi makaami lionigi, pida dicakaami elinigi.

<sup>9</sup> Nigina godiododipi metigodalake leegodi nigina ane beyagi ane jaoga, odaa nigida moko jeemiteegatibige godiododipi. Pida dagaxatace me leeditibige mejiwagataga Godiodi ane ideite ditibigimedi ane iige niginoa niwicidi, odaa jigidaagele mejinaga me godewiga.

<sup>10</sup> Onatecişidiwa nicaagape nigina godiododipi modiojotogodici nigica anoyemaa modigotogowa anoyakadi meletogodomi. Pida Aneotedofoji baaga diojotedogodici nigina meletogodomi eotedibige me idejinaga digo mijoataga me digicata libatiigi.

<sup>11</sup> Nigina me diojotedogodici, ica ina daaga beyagitogodomi, ageo me godinitibece. Pida nigidiaagidi, nigijo Aneotedofoji ane diojotetece icota moyakadi lewiga ane igenaga, codaa meote laalegena mele.

### *Notaga anetişodiladee*

<sup>12-13</sup> Enice awii mabo gadaalegena, codaa jinagadinopootiwaji leegotedi niginoa gadawikodico, micataga nigina oko me dinigaaxe, ane dinigaaxe libaagatedi, codaa me naşamalaga lokotidi. Odaa jigidaagee maxawani nigina oko ane degeliodi eliwaşatakanegegi.

Nigidi oko liciagi nigina oko alejaado. Pida nigodiotaḡadicitiwaji me iwitece naigi ane iḡenaḡa, Odaa aḡalee wayoditibigiwaji, pida jeḡele mewaligitibigiwaji.

<sup>14</sup> Oleetibige me ḡadewiki me daḡakapeteḡe migetaḡa adinotigimadeniteḡe eledi oko, codaa adinoniciwaḡatitiwaji me atamiteḡe inoatawece ane beyagi, odaa ḡadewikitema iniokiniwateda Aneotedoḡoji. Nigina oko ane daḡa dinatamaḡateeteḡe ane beyagi ayakadi me nadi Goniotaḡodi Aneotedoḡoji.

<sup>15</sup> Adinowetitiwaji me diḡica oko ane daḡadiaa yemaa Aneotedoḡoji meote aneletema. Codaa adinoweti adiḡicoa ane liciagi naḡana nawodigije ane bayodi, ane ili, oditaḡa jeḡeo eliodi oko me neelotikanaga leeḡodi niweneeno. Oditaga nigidi oko joḡowo eliodi oko mowo libeyaceḡegi.

<sup>16</sup> Codaa adinowetitiwaji adiḡicoa ane loomatewa ane daḡa lodawateda, oditaḡa aḡalee deemitetibige Aneotedoḡoji ane yemaa, mijotaḡa Esaú aneo nigijo jotigide. Esaú iikoeteḡe onidateci ḡinogo niweenigi nigijoa ane domaḡa dibateḡe, leeḡodi modoeḡegi nionigi me domaḡa dibateḡe, nigicoa ane nepilidi eliodi, diḡicota me yeleo eliodi.

<sup>17</sup> Owoḡotitiwaji me domaḡa yemaa diḡidiaaḡidi daḡa dibateḡe mijotaḡa eliodi nigicoa ane nepilidi mijo modoeḡegi me nionigi. Pida ayakadi iḡataḡa aḡica nimaweneḡegi daḡa iigi nigica baanaga iḡo, idaḡee me domaḡa doletibige ica nimaweneḡegi, codaa anoetibece.

<sup>18</sup> Nigijo nigicootalo Aneotedoḡoji, nigida makaamitiwaji aḡanagi anipecita ganigetigidi

anakati mabaateloco, mijotağa loiigi Israel menagitibeci. Otota negepaa maditağa wetiğa anodita Sinai. Onica noledi ane noditicogi nağajo wetiğa, nexogoteloco codaa eliodi me nexocağa, codaa me diwocotaka.

<sup>19</sup> Odaa jonogowajipata ica layaagegegi aca goloneeta icaağica nigegi. Niğica noğowajipatalo Aneotedoğoji me dotağa, odaa joğodipokota me notokotedini.

<sup>20</sup> Odipokotalo me notokotedini leeğodi ağaleeğoyakadi doğodinatita niğica liiğenatakanegegi Niğijoa ane dotağa, negee, “Codaa me eijeegagi, nige iigotege nağani wetiğa, leeditibige monigidatice nigepaa yeleo.”

<sup>21</sup> Niğijo anonadi eliodi me doıtibigiwaji, codaa mee Moisés, “Jawigice me idoi.”

<sup>22</sup> Pida micatağa diğicootatiwaji degepaa maditağa wetiğa anodita Sião, codaa nigepaa manitağa nigotağa Aneotedoğoji, Niğijoa ewikegi. Codaa micatağa diğicootatiwaji negepaa nağaca nigotağa digoida ditibigimedi, ane liboonagadi Jerusalém, onidiwa icoa anige liwokodi miili aanjotedi, yatecoğo me nalooğo.

<sup>23</sup> Odaa akaamitiwaji jiğicoota aneite Aneotedoğoji lionigipi liidadi me yatecoğo me nalooğo. Niğidi lionigipi idiwa liboonagatedi diniditedini digoida ditibigimedi. Akaamitiwaji aatalo Aneotedoğoji ane iwi anigoteta inatawece oko, codaa managi negepaa aneite niğijoa liwicidi niğijo oko ane iğenagatibigiwaji, Aneotedoğoji aneote me diğicata libatiigi.

<sup>24</sup> Odaa jağanagitiwaji miniwatağa Jesus, Niğijoa aneote gela anigotedağawa me

dinilakidetedağagi Aneotedoğoji, codaa me ilaagağaditedice lawodi. Niğijo nağa nadooğodi lawodi, odaa ja noğatedice moko nilaagedi, odaa jegeote niğica ane dağaxa mele, pida baadaga liciagiteda Caim me nadooğodi lawodi Abel, odaa ja nilaagedi.

<sup>25</sup> Enice adinowetitiwaji me doğowocetege majipaata Niğijo ane gađotaganegeni digoida ditibigimedi. Niğijo jotigide, niğijo anodowocetege mowajipata latematigo Aneotedoğoji ane yeloğodi digoina iigo, ađoiwokotibigiwaji, pida Aneotedoğoji iloikatidi. Nige dođoiwoko niğijo oko, okoeledi ađica gonimawenegegi dağa godiwoko nige dağa jibağatege Aneotedoğoji lotağa ane icogotedibigimece ditibigimedi.

<sup>26</sup> Niğijo jotigide ica layaagegegi eo me datalale iigo. Pida natigide eote ligegi, mee, “Jaotace odanigidatece natalalağa, pida ađinokina iigo me datalale, codaa me ditibigimedi datalale.”

<sup>27</sup> Niğina mee, “Jaotace odanigidatece”, ni-keetedoğowa me itinege codaa me ilatike niğinoanane liidağatajegi codaa me jakatağa me jinatağa, eotedibige niğina ane dağa ditinege me yakadi midioka limedi me iteloco anei.

<sup>28</sup> Enice, ja jinatağa me jibağatege niğicanioxigi ane diğicata ane yakadi me igike, iniotagodeegatalo Aneotedoğoji, codaa me joğeeğatalo niğicanodaa yemaateda, codaa me jeemiteegatibige, codaa idoiğatalo niğina me joğeeğatalo.

<sup>29</sup> Iğaatağa Gonoenogodi liciagi niğina noledi aneyalegi inoatawece.

# 13

## *Anodaagee me jocaḡanaḡatalo Aneotedoḡoji*

<sup>1</sup> Oleetibigetiwaji midioka limedi madinemaan-itiwage, igaataḡa akaami dinioxomigipi.

<sup>2</sup> Iniḡica daaditaḡa amedeḡeni niḡina anoyiwaḡadi Goniotagoḡi ane diḡica me ḡadowooḡotagipi niḡina mototaḡawa, igaataḡa jiḡijo oko anoimedeeḡe aanjotedi, pida aḡica doḡoyowoḡoḡodi me aanjotedi.

<sup>3</sup> Idioka limedi manalakitibigetiwaji maxawani niḡina anoyiwaḡadi Goniotagoḡi ane niwilogoḡedi, micataḡa daḡakaami eledi ḡaniwilagaḡawepodi. Eleditace oleetibige midioka limedi manalakitibige niḡina ane nawikodeeḡa leeḡodi eliwaḡatakaneeḡeḡi micataḡa daḡakaami eleditetiwaji ḡadawikodaḡawepodi.

<sup>4</sup> Idatawece leeditibige me jeemiteeḡatibige niḡina oko ane wadonadipi. Niḡinoa ḡoneleegiḡadi, iwaalepodi wadonadi, leeditibige me loomatewa inokina ane lodawa. Igaataḡa Aneotedoḡoji iwi anigoteta codaa me iloikatidi niḡina oko ane loomatewa ane daḡa lodawa.

<sup>5</sup> Jineḡewianaḡa emaani dinyeelo, pida aniniitibecitiwaji leeḡodi niḡica anidi makaamitaḡa, igaataḡa mee Aneotedoḡoji, “Aḡica daḡa ḡadikanitice, oteḡexaḡaḡa ḡadalatitiwaji.”

<sup>6</sup> Odaa jakataḡa me daḡa jawienatakanaga, codaa mabo ḡodaaleḡena, mejinaḡa, “Iniotagoḡi Aneotedoḡoji Jiḡiniaa ane idaxawa, codaa aḡica ane idoita, igaataḡa niḡina oko aḡica loniciwaḡatiloḡo deḡeo ane beyagitomi.”

7 Analakitibigetiwaji nigijoa odoejedi gadacilodi anoyelogoditedagawa Aneotedoꝑoji lotaga. Digowootiwaji nigica anodaagee midioka limedi monakato Goniotagodi negepaagicota me nigo. Akaamitiwaji anakatoni Goniotagodi, digo mijotaga monakato.

8 Igaataga Jesus Cristo adiniigi. Eginiaaginiwateda jotigide, ina noko, codaa midioka limedi nigijo anee, nigepaa ganigicatibige.

9 Enice jinaga domigikani inoa eletidi niigaxinaganegeco iomagaga degetigadadeegiticogi wetice nigijo naigi anewi, niigaxinaganegeco anodakapetege godiiigaxinaganegeco. Ele nigina godiwigo me yeligo nigicoa anele Aneotedoꝑoji anidioka limedi me godediatetece, idiigida ayeligo nigicoa niigenatakanegeco anoditece niweenaga. Igaataga niginoa niigenatakanegeco anoditece niweenaga agoyaxawa oko anodoletibige moyotete niigenatakanegeco anowo me ili eliwaꝑatakanegegi.

10 Icoa nisacerdotitedi judeutedi anodibatigi Aneotedoꝑoji ligeladi oyeligo nigijoa eijedi anonigodi, odaa jogoyajigotalo Aneotedoꝑoji. Pida baadogoyakadi moyeligo Nigijoa ane yeletedogodomi maditaga nameeja Aneotedoꝑoji, nigijo ane jelicaꝑa.

11 Nigica lacilo-sacerdotitedi judeutedi yadeegi eijedi lawodi catiwedi nigica le Aneotedoꝑoji ligeladi anoiomagaditema iniokiniwateda Aneotedoꝑoji, igo me yajigotalo Aneotedoꝑoji lawodi leegotedi nibeyacegeco. Pida nigijoa eijedi

anonigodi baḡa oyadeegitedicogi we nigotaḡa, odaaḡoyalegiteda.

<sup>12</sup> Joanigidaa leegodi Jesus maḡaḡa yeleo wetice ica lapoagi-nelegi nigotaḡa, eotedibige me yakadi me ibake epaa lawodi me napitaḡadi libeyaceḡeco noiigi.

<sup>13</sup> Enice iniḡa miniwataḡa Jesus, micataḡa daḡa wetice nigotaḡa, codaa idinatiigata niboliḡa digo mijoataḡa me dawikodetetema niboliḡa, niḡijo loiigi noḡonietedibige odaa joḡoyeloadi micataḡa daḡa ḡonematagodi.

<sup>14</sup> Iḡaataḡa niḡina iigḡo aḡaca ḡonigotaḡa anidioka limedi mani, pida inibeonagateḡe ḡonigotaḡa anicota me ḡonebi ganigida noko.

<sup>15</sup> Enice idioka limedi me jajicaḡatalo Aneotedoḡoji ḡoboonigitalo, ḡoboonigi me joḡeeḡatalo. Jesus yajigote ḡoboonigi Aneotedoḡoji. Niḡina me jibakenaḡa ḡonioladi me iniotagodeeḡatalo, me joḡeeḡata Liboonagadi.

<sup>16</sup> Jiniḡikani mawii anele codaa mawalaceni niḡicoa ane ḡanepilidi adinaxawanitiwage, iḡaataḡa niḡina me jaḡa niḡida anejinaḡa, micataḡa daḡa jaḡa noḡeedi Aneotedoḡoji niḡina aneliodi me yemaa.

<sup>17</sup> Iwaḡati niḡinoa ḡadacilodi codaa mawii niḡica ane liḡenatakaneeḡeḡi. Iḡaataḡa idioka limedi modoweditelogo ḡadiwicidi, codaa moilakidetedini naalewe miniwataḡa Aneotedoḡoji, niḡica ane libakedi. Nige iwaḡati, odaa ninitibigiwaji niḡina me nibaḡa. Pida nige daḡa iwaḡati odaa agecaḡalodipi codaa libakedi aḡadaxawanitiwaji.

18 Oleetibige midioka limedi motaganegeni Aneotedoꝑoji mipokitogoloco midioka limedi me jaoga ane igenaga. Ajawienatakanaga me daga jeemiteegatece moko nilaagedi catiwedi godaalegenali. Odaa inoatawece ane jaogate jemaanaga me jaoga nigina ane igenaga.

19 Pida jipokotaꝑawatiwaji mepaanaga otaganegeni Aneotedoꝑoji amaleegaga idimonyatace makaamitaga me digica ane jopagadi.

### *Jotaganegenaga Aneotedoꝑoji*

20 Aneotedoꝑoji Jiginiaaginiwa aneote godaalegena mele. Eote Goniogodi Jesus me yewigatace leegodi me nadoogodi lawodi, odaa jigidaagee negeote gela anigote me dinilakidetetege Aneotedoꝑoji inaa oko. Jesus liciagi nigina nelegi nowienogodi waxacocoli (leegodi me doweditedeloco loiigi).

21 Joanigidaa leegodi me jemaanaga Aneotedoꝑoji me yajigotedaꝑawatiwaji inoatawece anele anopootibige mawii nigica ane yemaa. Coda jemaanaga me ibake loniciwaga Jesus Cristo meote catiwedi gadaalegenali inoatawece anodogaꝑatibigo. Odaa jigidaagee midioka limedi me joꝑeꝑatalo Cristo. Amém.

### *Owidijedi notaꝑa*

22 Inioxoadipi, jipokotaꝑawatiwaji nigina majipaatalo niginoa yotaꝑa, anejitece me gadoniciwagati. Mabaatege codaa madinatiitalo yotaꝑa, igaataga naꝑadi iwakate ane jiditibigaꝑaji aꝑogaꝑataꝑa.

<sup>23</sup> Jemaa mowoogotitiwaji gonioxa Timóteo naa noditice me diniwilo. Nige age menotiwa, oada jadeegi, ixigaawa nigejigo makaamitaawaji.

<sup>24</sup> Idecoaditibige iditawece ane lacilodi Aneotedogoji loigi, codaa miditawece Goniotagodi loigi digoida makaamitaawaji. Gonioxadipitigi Itália eledi oyecoaditibigaaji.

<sup>25</sup> Jemaanaga Aneotedogoji midioka limedi meletedaawadomitiwaji. Oada jigidaagee. (Amém.)

## **Gela Liwai Lotaganaḡaxi Aneotedoḡoji New Testament in Kadiwéu (BR:kbc:Kadiwéu)**

copyright © 2012 Wycliffe Bible Translators, Inc.

Language: Kadiwéu

Translation by: Wycliffe Bible Translators, Inc.

### **Copyright Information**

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Kadiwéu

**© 2012, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-27

---

PDF generated using Haiola and XeLaTeX on 18 Apr 2025 from source files  
dated 29 Jan 2022  
7128a549-e957-5460-8c56-0f5281edf264